

ՄԱՆԿԱԿԱՐԺԱԿԱՆՈՅ

ՄԱՆԿԱԿԱՐԺԱԿԱՆ ԱՄՍԱԳԻՐ

1884. ՆՈՅ. և ԴԵԿ. ՃՁՃՁ 9—10 Ա. ՏԵՐԻ

ԲՈՎԱՆԴԱԿՈՒԹԻՒՆ

Արհ.

1. Աւուցչի պատրաստութիւն իւր պարտօնի
Համար 307
2. Կառկարանի պատմածների Համակերթո-
նացումն 311
3. Կատարակութեան նպատակը 316
4. Ախալցխայի Հոգ. դպր. մանկավարժական
խորհրդի արձանագրութենից քաղուած. 321
5. Ախալցխայի և Ախալքալաքի վիճակի Հայ
առաքելական քահանաներին 337
6. Աւուցիչ 353
7. Բարոյախօսութիւն կամ բարոյագիտութիւն 354
8. Յիշատակարան 359
9. Պատասխաններ խմբագրութեան կողմից. 367
10. Մանուցմունք 2, 3 և 4 երեսներուն:

ԹԻՓՈԼԻՍ

ԵՐԵՎԱՆԻ ՄԱՐԻՆՈՍԵԱՆԻ ՏՊԱՐԱՆ

1884

ԱՄԵՐԻԿԱ

Պատկերազարդ միամենայ Հանդէսը (Երեխաների և դաս-
տարակներին համար) առաջիկայ 1885 թուականին կը-
հրատարակվի միևնոյն զիջրով միևնոյն ուղղութեամբ և
նոյն աշխատակիցներին մասնակցութեամբ:

Տարեկան գինն է 3 ռ., կիսամեայ 2 ռ.:

Հասցէն. Тифлисъ. Редакции „Агнюръ“.

Խմբագիր-Հրատ. Տ. Նազարեան:

ԲԵՐԵՍԵՆ ԲԱՆԿԱՆՑ

Պատկերազարդ Հրատարակութիւն ամբողջ կրկու անգամ
Տարեկան գինն է 4 ռ. Ռուսիայում: Հասցէն. Կ. Պոլիս.
Սուլթան Համադ, Թիւ 14:

Հրատարակիչներ. Ն. Կ. Պէրպէրեան և Ս. Տէօփլէթեան:

ՄԵԱԿ

Գրականական-քաղաքական լրագիր. տարեկան գինը
10 ռ.: Հասցէն. Тифлисъ. Ред. „Мшабъ“.

Խմբ.-Հրատ. Գ. Արծրունի:

ԱՐԱԳԱՆԳ

Քաղաքական-գրականական շաբաթաթերթը: Ներքին գոր-
ծերի նախարարի կարգադրութեամբ «-ն ամբողջաբար անա-
լուց յետոյ, վերադին հոկտեմբեր հրատարակվի առաջիկայ
1885 թուականի յուլիսից: Տարեկ
սամեայ 3 ռ.: 1885 թուականի տա
սեպտեմբերին կտանան 30 տպադր
կացած մի մեծահատորը գելը գրակ
դակութեամբ: Հասցէն. Тифлисъ.

Խմբ.-Հրատարակիչ

ԱՐԵՒԵ

Օրագիր քաղաքական և ուղղայ
56 ֆրանկ, կէս տարվան 23 ֆրան
Հաշվածի, Նորատուենիեան խան:



ՄԱՆԿԱՎԱՐԺԱՆՈՅ

ՄԱՆԿԱՎԱՐԺԱԿԱՆ ԱՄՍԵԳԻՐ

Իւրաքանչիւր տետրը 2

թերթ: Տարին 10 տետր:

Տարեկան գինը 3 ման.

Հասցէն. Ахалцихъ.

Редакции МАННАВАРЖА.

НОЦЪ.

1884. ՆՈՅ. Լ ԴԵԿ. ՃՁ ՃՁ Յ — 10 Ա. ՏԱՐԻ

Faisons notre devoir, le (Մենք մեր պարտքը կատարենք,
reste est vanité. մնացածն ունայնութիւն է:)

ՈՒՍՈՒՑՁԻ ՊԱՏՐԱՍՏՈՒԹԻՒՆ ԻՐ ՊԱՇՏՈՆԻ

ՀԱՄԱՐ:

Ուսուցչական պաշտօնի դժուար պարտքերը կատարելու համար, որոնց մասին խօսեցինք անցեալ տետրում, բաւական չէ միայն կոչումն ունենալ հարկաւոր է, որ ուսուցչացուն պատրաստված լինի մասնագիտական ուսմամբ: Պատրաստութիւնը օգնում է կոչման և երբեմն նաև գարթեցնում է կոչումն հոգու մէջ, որտեղ ծածկված էր արդէն նորա սերմը:

Սակայն կարծես այս չին հասկանում այն երիտասարդներին մեծագոյն մասը, որոնք նուիրում են իրանց սկզբնական կրթութեանը: Նոքա հասկանում են, որ ամեն պարագմունքի համար հարկա-

ւոր է մի տեսակ աշակերտութիւն, արուեստաւորն օրինակ չէ կարօղ աշխատել փայտի կամ երկաթի վերա առանց երկար և դժուար աշակերտութեան, բայց դեռաբոյս մտքերը մշակելու արհեստը այնքան հեշտ է թուում նոցա, որ նոքա կարծումեն թէ կարօղ են առաջադիմել առանց այն սովորած լինելու: Երիտասարդը միջնակարգ դպրոցի մի վկայականն ձեռքն առած մտնում է դպրոց, որտեղ ամեն բան նորա համար նոր է: Նա իրան ընդունակ է համարում դպրոցը յաջողութեամբ կառավարելու: Երէկեան աշակերտը այսօր ուսուցիչ է: Սակայն թնչ է նշանակում նորա վկայականը, Այն որ նա յաջող սովորած է իբրև աշակերտ: Սորանից միթէ կմակարբելի, թէ նա յաջողակ կլինի իբրև ուսուցիչ: Միթէ նա չէ մըտնում նոր ասպարէզ, բոլորովին տարբեր և բոլորովին այլատեսակ փշալի քանթէ իւր հին ասպարէզը: Հաւատումեմ, որ նա լաւ գիտէ բոլորն ինչ որ նա պիտի սովորեցնէ, նա մինչև անգամ տուաւ ևս շատ գիտէ: Կարելի է միթէ սորանից հետեցնել թէ նա ընդունակ է սովորեցնելու: Ի հարկէ ոչ: Ամենաընդունակ ուսուցիչը նա չէ, ով ամենաշատ տեղեկութիւններ ունի, այլ նա է ով գիտէ ամենալաւ կերպով աւանդել մանուկներին իրանց կարևոր տեղեկութիւնները:

Ուսուցանելու այն տաղանդը, որը բաւական կլինէր, երբ ուսուցիչը մի մանուկի հետ է պարապում, անբաւական է հասարակական ուսուցիչ լինելու համար: Այս տաղանդը նորա համար անօգուտ է դառնում, եթէ սորա հետ չունի նա մի

ուրիշ առաւել հազուադէպ տաղանդ այն է մանուկներին դաստիարակելու տաղանդ, այսինքն նոցա կամքի վերա իշխելու և նոցա կամքը դէպք բարին ուղղելու տաղանդ: Շատ անգամ տեսնում ենք նշանաւոր խելքի տէր ուսուցիչներին, որոնք ամենահասարակ աշակերտներից խափված են լինում: Շատ անգամ տեսնում ենք քաջ և փորձված մարդիկ, հին գինուորականներ, որ ի գուր են գործ դնում ամեն միջոցներ կարգապահութիւն սովորեցնելու թեթեւամիտ և կամակատար մանուկներին: Շատ անգամ տեսնում ենք գիտուն ուսուցիչներին, որոնց ծաղրում են անգուսպ ագէտ աշակերտները, որոնք ծիծաղում են նոցա աշխատութիւնների վերա: Պատճառն միմիայն այն է, որ ոչինչ չէ կարող փոխարինել մանուկներին կրթելու տաղանդը, որի սերմը տալիս է նոյն ինքն բնութիւնը և որը կարող է զարգանալ միմիայն մտածութեամբ և փորձառութեամբ:

Հարկաւոր չէ կարծել թէ այս կարեւոր պատճառութիւնը շատ դժուար է. ծխական ուսուցչի պարտքերը պահանջում են միայն քանի մի թանկագին, բայց պարզ ընդունակութիւններ, որոնց աստուածային նախախնամութիւնը տալիս է նորան, ով լրջմտաբար աշխատում է նոցա ձեռք բերելու: Բայց և այնպէս այս պաշտօնի դժուարութիւնները շատ աւելացան քանի մի տարիներից ի վեր. ուստի բարեխիղճ պատրաստութիւնը առաւել անհրաժեշտ դարձաւ քան թէ երբեք:

Շատ ժամանակ չէ անցել այն օրերից, երբ ուսուցիչներին այն յարգանքը չէին մատուցանում,

ինչ որ վայել է նոցա: Այս ասելով պէտք չէ հասկանալ թէ միւս ծայրայեղութեամբ շռայլելու է նոցա շողոքորթութիւններ և նոցա մօլորեցնել ազդելով նոցա իրանց մեծ նշանակութեան մասին րարձր գաղափար:

Ուսուցիչը պիտի իմանայ մնալ այս երկու ծայրայեղութիւններն մէջ տեղ: առանց ստորին դրութիւն յանձն առնելու, մերժելու է նոյնպէս կոպիտ ամբարտաւանութիւն: Հարկաւոր է լինել բարի ուսուցիչ, միշտ խոհեմ և համեստ: Այլև մի կարծէք թէ մանուկների մէջ կգտնէք այն մեքենայական հնազանդութիւնը, որ երբեմն մարմնական անխնայ պատիժների շնորհով այնքան հեշտացնումէր կարգապահութիւն դպրոցների մէջ: Մանուկներն ընդհանրապէս տարածված անկախութեան ոգու ազդեցութեան ներքոյ են արդէ մեր մէջ ևս մասամբ: Միւս կողմից նորա առաւել զգայուն չեն դարձել դէպի լաւ վարժունքը, չունին այնքան երկիւղ և լաւ չեն կրթվում ընտանիքի մէջ: Իսկ ընտանիքներն առաւել պահանջող են դարձել: Աշխատում են ներող լինել դէպի մանուկի անիրաւութիւններ, լսում են նորա անիրաւ գանգատներ, նորա կուսակից են դառնում այն խրատութիւնների և պահանջների վերաբերմամբ, որոնց մասին ընդհակառակն ընտանիքները պիտի օգնէին և օրհնէին ուսուցիչներին: Ուրեմն ուսուցիչը մի կողմից պիտի դիմադրէ այն բռնակալական ձգտումներն, որոնց կամենում են նորան ենթարկել և իրանց պահանջները կատարել տալ, միւս կողմից պիտի իմանայ պահպանել այն անձ-

ների բարեկամութիւնը, որոնց ազդեցութիւնը չէ
ընդունում նա: Նա արեւի կառավարվել իմանալ
յաջողութիւն գտնելու համար:

Ուրեմն մեծ անխոհեմութիւն չի լինի արդեօք
մտնել այսքան փշալի ասպարէզը առանց նորա
համար վայելչապէս պատրաստված լինելու:

ԿՏԱԿԱՐԱՆԻ ՊԱՏՄԱԾՆԵՐԻ ՀԱՄԱԿԵԴՐՕՆԱ-
ՑՈՒՄՆ:

Հարկաւոր է ընդարձակօրէն և բազմակողմանի
կերպով հասկանալ համակեդրօնացումն, երբ յար-
մարեցնում ենք նորան կտակարանի պատմածնե-
րին: Համակեդրօնացումն ոչ թէ պատմածների
ընդարձակումն է լոկ խօսքերով (Փրագնեքով) և
աւելորդ բառերով, այլ պատմածների նոյն ինքն
բովանդակութեան ընդարձակումն է, նորանոր
մանրամասներ, նոր տարրեր մուծանելով դասի
մէջ: Առաւել լաւ հասկանալու համար կներկա-
յացնեմ օրինակ, որից կարելի է տեսնել, որ ու-
սած շատ կրօնասոցներն անգամ ճիշդ չեն հա-
կանում համակեդրօնական սիստէմ: Առաջին տա-
րին սովորաբար հաղորդում են բոլոր պատմածը
համառօտապէս, երկրորդ տարին միւսնոյնը աւելի
են ընդարձակում միայն բառերով: Օրինակ Քամի
վարմունքը Նոյի հետ առաջին տարին այսպէս են
աւանդում.

«Տապանից դուրս գալուց յետոյ Նոյ տնկեց խա-

ղողի որթ։ Միանգամ խմելով խաղողի հիւթը, Նոյ արբեց և պառկած էր մերկ։ Քամը ծիծաղեց իւր հօր վերա և կանչեց իւր եղբայրներին, որ նոքա ևս նոյնն անեն, բայց Սեմ և Յաբէթը վեր-
ցրին շորը և ծածկեցին իրանց հօրը։ Նոյ անիծեց Քամին և օրհնեց Սեմին և Յաբէթին։»

Երկրորդ դասընթացում սոյն պատմածն այս կերպով են աւանդում.

«Նոյ դուրս եկաւ տապանից և սկսեց երկիր մը-
շակել։ Այնտեղ, որտեղ բնակումէր Նոյը ջրհե-
ղեղից յետոյ, աճումէր խաղողի որթը։ Նոյ շինեց
այգեստան։ Նա չգիտէր, որ խաղողի հիւթը,
երբ կթթուի, կարբեցնէ, գինի կդառնայ։ Երբ
խաղողը հասաւ, Նոյ քամեց նորանից հիւթ, շատ
խմեց և արբեցաւ։ Այս դրութեամբ պառկած էր
նա իւր վրանում, առանց ծածկվելու։ Քամը մտաւ
վրանը և տեսնելով իւր հօրը մերկ, սկսեց ծիծաղել
նորա վերա։ Գնաց իւր եղբայրներին մօտ և ծիծա-
ղելով պատմումէր նոցա հօր մասին։ Բայց Սեմ
և Յաբէթը բարի գաւականներ էին, նոքա սիրումէին
իրանց հօրը, ուստի յօժար չէին նոքա լսել Քամի
կատակներ հօր մասին։ Նոքա նոյն ժամայն մտան
հօր վրանը և մէջքը դարձնելով դէպի հայրը,
ծածկեցին նորան վերարկուով։ Երբ Նոյ գարթեց
և իմացաւ Քամի վարմունքը, նա դատապարտեց
անարգ որդուն, անիծեց նորան։ Իսկ միւս որդի-
ներին, Սեմին և Յաբէթին, Նոյ օրհնեց։»

Այս երկօքեան պատմածներ համակեդրօնաբար
չեն յօրինված և երկրորդը գանազանվում է առաջ-
նից նորանով միայն, որ առաւել շատ խօսքե-

րով է հաղորդում նոյնը, ինչ որ պարունակվում է առաջին պատմածում: Առաջին պատմածի պարունակութիւնն իմանալուց յետոյ, մանուկներն ոչինչ նոր բան իմանալու չեն երկրորդից: Ի՛նչ փոյթ, ինչ օգուտ, որ նոքա նոյնը ուրիշ խօսքերով լսեցին: Միևնոյն է թէ ուսուցիչը փոխվեցաւ. մին մի ոճով էր պատմում, միւսը միւս ոճով: Այլևս պէտք չէ համակեդրօնացումն աչնպէս հասկանալ իբրև թէ սրբազան պատմութեան իւրաքանչիւր պատմածը մինչև անգամ 10—15 տողից բաղկացած փոքրիկ պատմածները, յարմար են համակեդրօնացման համար և կարևոր է անշուշտ երեք ձևով աւանդել: Փոքրիկ պատմածներ ամենեւին պէտք չունին համակեդրօնացման, այլ նոցա սովորեցնու է ամբողջապէս, նայելով իրանց կարևորութեան և հեշտութեան աստիճանին, առաջին, երկրորդ կամ երրորդ տարին: Անհնարին է իւրաքանչիւր պատմածը երեք ձևով սովորեցնել: Սրբազան պատմութեան ամեն դասագրքերն 150 պատմածից երբէք պակաս չեն պարունակում, ոչինչ հնար չկայ նոցա մի տարում սովորել, թէպէտև ամենահամառօտ ձևով: Եւ եթէ ոքմին կարօղանար այս անել, հասնելու չէր ոչինչ մանկավարժական նպատակներին: Վերջի վերջոյ ամբողջ տարւոյն հետևանքն այն կլինէր միայն, որ մանուկներն կիմանային ոչ թէ պատմել իրողութիւններ, այլ միայն թուել նոցա:

Կրօնի դասատուութեան մէջ գլխաւորագոյն և կարևորագոյն խնդիրն այն է, որ մանուկներն աստիճանաբար սովորելով կրօնական ճշմարտու-

Թիւնները, հետզհետէ ընդարձակվէր նոցա մտա-
ւորական կրօնական տեսակէտը, և հետզհետէ
կրթվէր նոցա բարոյական զգացումն, — մի խօսքով
որ մանուկները զարգանային և հզօրանային հո-
գեւոր կեանքի մէջ: Համակեդրօնական սիստէմը ի
նկատի ունի այսպիսի կանոնաւոր զարգացումն
միայն: Բայց այսպիսի զարգացմանը կարելի է
հասնել ոչ միայն այն պատմածներով, որոնք զա-
նազան դասընթացներում աստիճանաբար լրացրած
բովանդակութեամբ են աւանդում, այլև մի-
անգամ հաղորդված փոքրիկ պատմածներով: Մի-
ևնոյն ժամանակ պէտք չէ առաջին տարին միայն
փոքրիկ պատմածներով զբաղեցնել մանուկներին,
որովհետեւ օգուտ չեն բերի և այսպիսի դասըն-
թացը ձանձրալի կլինի մանուկներին համար:

Համակեդրօնական սիստէմը կտակարանների
պատմածներին յարմարեցնելու խնդիրը շատ վա-
ղուց վճռած է օտարերկրեայ մանկավարժական
գրականութեան մէջ: Ո՛րքան ցանկալի կլինէր,
եթէ մեր կրօնօւսոյցները կարօղանային դիմել և
օգուտ քաղել եվրօպական ազգերի օրինակներից,
որոնց մէջ հաւատը կենդանի է, որոնց կեանքի
կանոնադիրքը Աւետարանն է, և որոնց կրօնը մի-
ացած է ամենօրեայ գործերի հետ: Այստեղ կլի-
շատակեմ սրբազան պատմութեան մի դասագիրք,
որն ունեցած է եվրօպայում 60 տպագրութիւն:
Եվրօպայի մէջ, որտեղ գրեթէ իւրաքանչիւր կրօ-
նօւսոյցն իւր դասագիրք է յօրինում, վերոյիշված
Թիւը չափազանց նշանաւոր է: Այս գրքից (երանի
Թէ մի օր կարօղանայինք հոյկական Թարգմա-

նութեամբ նուիրել Հայագն մանուկներին) պարզ պիտի իմացվի, նախ թէ քնչ Հասկանալու է սուրբ գրքի պատմածների Համակերօնացումն ասելով և ապա թէ ինչպէս աւանդելու է սոյն պատմածները անշափահաս մանուկներին։ Այս գրքում իւրաքանչիւր պատմածի նոր կտորների տողերի սկզբում նշաններ կան, որոնք ցոյց են տալիս թէ քնչ կարգին հետեւելու է կրօնի դասատուութեան մէջ։ Դասագրքի առաջաբանի մէջ բացատրված է, որ նշան չունեցող կտորները նշանակված են 6-ից 8 տարեկան մանուկների Համար։ Մի աստղանիշ (*) ունեցող կտորները նշանակված են 8-ից 10 տարեկան մանուկների Համար։ Երկու աստղանիշ (**) ունեցող կտորները նշանակված են 10-ից 12 տարեկան մանուկների Համար։ Վերջապէս խաչ (†) ունեցող կտորները նշանակված են 12 տարուց վեր Հասակի մանուկներին։ Իւրաքանչիւր յետագայ դասընթացն ուսումնասիրելիս կրկնվում է առաջագոյն սովորածը։ Դասատուութիւնը պատկերներով է լինում։ Դասագրքի մէջ 113 պատկերներ կան։

Դասագրքը, որ գերմաներէնից թարգմանված է Ֆրանսերէն, այս վերնագիրն ունի. „Histoire Biblique de l'Ancien et du Nouveau Testament, ornée de 113 gravures sur bois et d'une carte de la Terre Sainte, par le d-r J. Schuster. Ouvrage honoré de Sa Sainteté le pape Pie IX, traduit sur la 58-e édition allemande par l'abbé M. B. Couissinier, ancien professeur d'Histoire au petit séminaire et collège catholique de Marseille. Avec approbation de Mgr l'évêque de Marseille.”

ԴԱՍՏԻԱՐԱԿՈՒԹԵԱՆ ՆՊԱՏԱԿԸ:

(Ֆրանսերէնից թարգմանւած այս յօդուածը ժընէվ քաղաքի ազգային լուսաւորութեան վարչութեան քարտուղարի հեղինակութիւն է, որ շատ իմաստալի մտքեր է բովանդակում): Խմբ.

Մի օր Ժ. Ժ. Ռուսսօի մօտ խօսումէին դաստիարակութեան վերա: «Կրթութեան նպատակը, ասումէր մի մայր, տղաների չար գործերը արգելելն է»:—Ոչ, պատասխանումէ Ռուսսօն, կրթութեան նպատակն է սովորեցնել երեխային չար գործերը չկամենալ, այնպէս որ ամենեւին պէտք չլինի նորան արգելելու այդ:

Թէ բարոյական և թէ ուրիշ բոլոր տեսակէտերից ուսուցելը պէտքէ աւելի ջանք գործ դնէ երեխաների մէջ մտցնելու կամք կամ հնարաւորութիւն աւելի լաւ լինելու և իրանց սեփական նկատողութեամբ սովորելու, քան թէ ուսուցչից ուսանելու: Լօիք և Մօնտէյնն ևս նոյն կարծիքի են:

Ամենայն առաջադիմութիւններն նպատակը, ասումէ Ժիւլ Սիմօնը, մարդկային կամքն ու միտքն է: Զօրացնել կամքը, դարգացնել միտքը— ահա իսկապէս առաջադիմութիւն անելը և սա աւելի հնարաւոր, հեշտ և անհրաժեշտ կդարձնէ ամեն յետագայ առաջադիմութիւնները»: Մի փոքր յետոյ շարունակումէ. «Մտաւոր հարստութիւնը ունեցողին միւս բոլոր հարստութիւններից աւելի բարեբաղդութիւն է բերում: Առաքինութենից յետոյ մտաւոր հարստութիւնը առաջին բարիքն է և միւս բոլոր բարիքներն աղբիւրը»:

Մանկավարժներն անհրաժեշտ կարևոր են համարում ձեռք բերած տեղեկութիւնները հիմնել կրթական, աստիճանաւոր, որոշ համակարգութեան (սիստէմի) վերա, որը պիտի զարգացնէ հոգու և սրտի ունակութիւնները մտքի ընդունակութիւններէ հետ միասին: Երեխային, բացի մարմնաւոր ոյժից, իմացական հարստութիւն, մտքի անկախութիւն և բնաւորութեան հաստատութիւն տալը նշանակումէ մի եռանդուն աշխատող, մի քաղաքացի, մի մարդ պատրաստել: Ուսումն, առանց դաստիարակութեան, անհոգի մարմին է. դա կլինի միայն դատողութեան առաջին փաստորդներ, որից չէ կարելի եզրակացութիւն հանել: Այս պայմաններէ մէջ գործը անկատար կամ ապարդիւն կ'մնայ և երեխայի բնութիւնը այնքան արգասաւոր պիտի լինի, որ չարիքը կամ չարիքի կամեցողութիւնը երբէք չկարողանայ յայտնվել նորա մէջ:

Ուսման դաստիարակական մասը անհոգ թողնելը նշանակումէ վնասել անհատին, ընտանիքին և ազգին:

Այն անձը, որի մտաւոր ընդունակութիւնները հաւասարակշռված չեն բուսարար բարոյական կրթութեամբ, որի հոգին վատ ուղղութիւն է ըստացած, հնազանդումէ իւր բնադրմունքի բռնութեանը և անկարգ ախտերին: Անտարբերութիւն դէպի առաքինութիւնը, մեծ ինքնահաւանութիւն, մեծամտութիւն, որը ստիպումէ ամեն բան դատել, սառնութիւն, ծուլութիւն, անչափաւորութիւն — ահա սխալ և կեղծ կրթութեան պտուղները: «Մի

մանուկի կրթութեան համար, ամերիկացի Ջանինգսի ինստիտուտի ասել է, աւելի իմաստութիւն, աւելի խորին մտածողութիւն է հարկաւոր, քան թէ մի տէրութեան կառավարութեան համար»։ Վատ կրթութիւն ստացած մանուկն երբեք չէ կարող, ոչ ոքի մտքում, ստեղծել լաւ դաւակի, անձնատուր եղբօր և անսլարսաւ հօր գաղափար։ Քընքշութեան, սէրի զգացմունքը, որոնք կարծես բընականապէս մարդի սրտի մէջ խոր տպաւորւած են, գեղձված չէն միթէ եսականութեամբ, որը անշուշտ առաջ է գալիս կրթութեան պակասութենից կամ թերութենից։ Հնազանդութիւնը, որդիական երկիւղածութիւնը, ծերերից պատկառումն, եղբայրական համբերաշխաւորութեան ոգին անհետանում են ամենանեղ առանձնականութեան, ամենակոպիտ հպարտութեան սեղի տալու համար։

Ընտանեկան կեանքը չկայ կրթութենից զրրկված անձի համար, որովհետեւ նա պաշտնջում է համակրութեան շատ յատկութիւններ, անձնորացութիւն, եսականութեան անհետացումն ընդհանուր բարեքների համար, և այս յատկութիւնները զարգանում են միայն մտքի, սրտի և կամքի համանուագ վարժութիւններով։

Ընտանիք ասելով հասկանալու է հասարակութիւն։ Կարդացէք պատմութիւնը, ուսումնասիրեցէք ներկայ աշխարհը։ Առանձնականութիւնը, անձների կամ կուսակցութիւնների ինքնասիրութիւնը վատ կրթված հասարակութիւնների նըշաններ են, այսինքն նոցա, որոնց մէջ անծանօթ է ընտանեկան կեանքը, ուր կրթութիւնը, վարժ-

կանի գործ ղառնալով, մատակարարվումէ այն-
պիսի Հաստատութիւններն մէջ, որոնց նպատակն
է անհատական Հայեացքներ ընդհանրացնելն կամ
շուտափոյթ Հարստութիւն ձեռք բերելը: Այսպիսի
անպիտան և շահաւէտ Հայեացքներ և գործողու-
թիւններ առաջացնումեն տարաձայնութիւններ,
քաղաքական անհաշտութիւններ և քաղաքացի-
ներն փոխադարձ կռիւններ:

«Ազգի բարեբաղդութիւնը, գրումէք Լիւտէրը
Գերմանիայի վարչական պաշտօնեաներին, կա-
խում չունի միայն եկամուտների առատութենից,
պատուարներն ամբուլթենից, շինութիւնների գե-
ղեցկութենից: Քաղաքավարի, կրթված, պատուա-
ւոր, իմաստուն քաղաքացիներ ունենալ—ահա
ազգի առաջին օգուտը, նորա փրկութիւնը և նորա
ոյժը»:

«Կրթեցէք ժողովուրդը» այս էր Վելլամ Պէնի
տուած խորհուրդը Ամերիկայի Պէնսիլվանիա նա-
հանգին, որն հիմնադիր էր ինքն, և միւսնոյն խոր-
հուրդը կրկնումէին անդադար մեծ Հասարակա-
պետութեան (Ամերիկայի) քաղաքացիներին նորա
ամենահռչակաւոր մարդիկ: Եւ Միացած Նահանգ-
ները կրթումեն ժողովրդին ընդարձակ ժողո-
վրդապետական հոգով, առանց աղանդաւոր
կամ աններօղամիտ վարդապետութեան և նոցա
կրթութիւնը հիմնված է այն բարոյական ճշմար-
տութիւնների վերա, որոնք կրթութեան խարխ-
տըն են: Միտքը և սրտի զգացմունքը զարգացնել—
այս է ահա թէ մեծ Հասարակապետութեան, թէ
Անգլիայի, Ֆրանսիայի, Գերմանիայի, Զվիցերայի,

Նիդերլանդիայի և Սկանդինավիայի կրթութեան նպատակը: «Մարդը այն է, ինչ որ է նորա սիրտը, ասում է ֆրանցիսկեան կարգի Հ. Գրեգոր Ժիրառը, մարդս ներգործում է այնպէս ինչպէս սիրում է և սիրում է այնպէս, ինչպէս մտածում է»:

Միտք, զգացմունք, կամք—ահա հոգու երրորդութիւնը. աստուածային գորութեան այս յայտնութիւնները, յարմարեցրած լինելով ճշմարտութեանը, բարութեանը և գեղեցկութեանը, արդեօք ամենայն բարեբաղդութեան աղբիւրը, ընտանիքի և ընկերութիւնների պահապաններ չե՞ն միթէ: Լէյբնիցը այդ լաւ էր հասկանում, երբ բացագանչում էր թէ «եթէ կերպարանաւիժէին կրթութիւնը, ամբողջ մարդկային ազգը կվերանորոգվէր»:

Ասվում է թէ ընտանիքը սկսում է կրթութիւնը և հասարակութիւնը վերջացնում է. Մենք երբէք մի այդպիսի բացարձակ դատողութիւն չենք հաստատում, թէ և դա մի ճշմարիտ նկատողութիւն է պարունակում: Իհարկէ, սկզբնական բարոյական ուղղութիւն տալը յատկապէս ընտանիքին է վերաբերվում. հասնում է ուսումնարան յաճախելու հասակը, և այս մեծ պարտքը բաժանված է ուսուցչի հետ, բայց ոչ երբէք ծնողների իշխանութենից դուրս, որոնց բնական ազդեցութիւնը շարունակվում է ընտանեկան շրջանում: Այնուհետև մանուկի կրթութեան ընդհանուր գործի մէջ ուսուցչին ընկած բաժինը գնահատելու համար, անհրաժեշտ է ուսումնասիրել այն, ինչ որ պիտի լինի նա ֆիզիքական, մտաւոր և բարոյական տեսակէտերից,

և յետոյ ծրագրելու է նորա դաստիարակական պաշտօնը դպրոցում և դպրոցից դուրս:

Կ. Մ.

ԱԽԱԼՑԽԱՅԻ ՀՈԳ. ԴՊՐ. ՄԱՆԿԱՎԱՐԺԱԿԱՆ
ԽՈՐՀՐԴԻ ԱՐՁԱՆԱԳՐՈՒԹՅՆԻՑ ՔԱՂՈՒԱԾ:

Դպրոցների տեսուչը խնդրեց ուսուցիչներից լսել այն տպաւորութիւնները, որ նա ստացել է ուսուցիչների դասերին ներկայ լինելուց:

«Արդէն երկու ամիս է, որ ես անդադար ներկայ եմ լինում դպրոցներում աւանդւած դասերին: Թէպէտ շատ երեւոյթների մասին խօսել ենք արդէն թէ մեր խորհուրդներում և թէ մասնաւորապէս, բայց դուցէ աւելորդ չլինի իմ ստացած տպաւորութիւններն ամփոփումն, որ ահա կամենում եմ կարդալ ձեզ: Եւ կրկնելով ոչ թէ կամենում եմ յանդիմանել ոք մին, մասնաւանդ որ դիտողութիւններս ընդհանուր են և շատ սակաւ եմ մասնաւորել, այլ միայն փորձառութենից օգուտ քաղելու նպատակով: Տեսնում եմ որ ձեզանից ևս շատերը ցանկանում են զործ կատարել: Ինչ որ համաձայն կգտնէք, երեւի կընդունէք և կշահվիք: Իսկ եթէ որեւիցէ բանում կապաղուցանէք իմ սըխալված լինելս, ճշմարտութիւնն առաւել կպարզվի, ուրեմն դարձեալ օգուտ կունենանք:

Շատ անգամ թէև մեղադրում ենք աշակերտներին, բայց մենք ևս մեղադրելի ենք շատ բանում:

1) Ուսուցիչը պարապում է մի աշակերտի հետ, մո-

ռանձնաւոր որ ամբողջ դասարանն է նորա առաջ: Միննն օրինակ կարգացնումէ, միւսներեց որն պառկած է գրում, ոմն կանգնած, ոմն գլուխը սեղանի վերա դրած, ոմն տախտակը գլխած կայլն: Ուսուցիչը շատ անգամ դարձնումէ մէջքը աշակերտներին, աշակերտները շատ անգամ աշխատել են տեսնել ինչ որ գրվումէր գրատախտակի վերա, բայց տեսել են միայն ուսուցչի մէջքը: Յետոյ երբ նոքա սկսում են անուշադիր լինել բնականաւորաբար, ուսուցիչը յանդիմանումէ նոցա: Բայց հիմ է մեղաւոր: Սակայն շատ միջոցներ կան ուշք գրաւելու: ա) Ուսուցիչը պիտի բոլոր ժամանակ տեսանելի լինի աշակերտներին, ամեն վայրկեան այս պիտի աշխատէ: Բայց նա նստած է: Ստորին դասարաններում ուսուցիչը միշտ ոտի վերա պիտի լինի, բարձր դասարանում կարող է նստած ամենքին տեսնել, քիչ են: Ուսուցիչը պիտի միշտ աշակերտի առաջ լինի, և երբէք պիտի չլծողնէ աշակերտներին իւր ետեւ: բ) Ուսուցիչը պիտի հսկէ թէ աշակերտը ինչ դիրք ունի: Եթէ աշակերտը պատասխանումէ, ամենքին լսելի պիտի լինի, եթէ գրումէ, ամենքին տեսանելի պիտի լինի, եթէ նստած է, ուղիղ պիտի նստէ, մէջքը նստարանների մէջքին դէմ դրած, ձեռները իրանց մէջքի կամ սեղանի վերա դրած, բայց ոչ բազուկների վերա չենլով: Նոքա ոչ պիտի պառկած լինին և ոչ թեքված: գ) Առարկաների դասերի միջոցին գրքեր և տետրակներ պիտի չլինին աշակերտների առաջ, որ չնայեն անդադար: Շատ անգամ տանը բոլոր դասը պատրաստած չունենա-

լով, երբ ուսուցիչը միննից հարցնումէ, միւսները
կարդումեն և քացատրութիւն չեն լսում: դ) Հար-
ցեր տալու է աւելի ծուլ աշակերտներին, եթէ
մին չպատասխանէ, միւսից, երրորդից և այլնց հար-
ցնելու է: ե) Հարցը առաջարկելու է բոլոր դասա-
րանին, չեսոյ կոչելու է մի աշակերտին պատաս-
խան տալու, անուն տալով և ոչ «դու, դու, ծայ-
րին նստող» ասելով: զ) Մին միւսից, չեսոյ աշա-
կերտները նստած կարգով հարց անելու չէ ամբողջ
դասը, սա ճանձրալի է մեծերի համար ևս, իսկ
բազմաթիւ դասարաններում մի աշակերտի շատ
երկար հարցները կթուլացնէ միւսներին, այլ մինը
պիտի սկսէ, միւսը պիտի շարունակէ, երրորդը
վերջացնէ: Ուսուցիչը պիտի աշխատէ որքան կարե-
ւի է շատ աշակերտներից դաս հարցներ:

2) Շատ ներգործեց իմ վերաս աշն, որ աշա-
կերտներ չգիտեն ամենեւին ինքնագործունէութիւն,
չէր երևում, թէ նոքա գիտեն մտածել, երբ նոցա
հարցնումեն, ջերմ համակրութիւն չեն ցոյց տա-
լիս դէպք գործը: Եթէ ուսուցիչը ուղղումէ աշա-
կերտին մի դատարկ հարցն անգամ, աշակերտը
կամ լռումէ, կամ քուանց մտածելու մի անյար-
մար պատասխան է տալիս: Պատահած է, որ ա-
շակերտը դաս է պատմում շարունակաբար և սը-
խալներ է շարում, թէ ընկերներ և թէ ուսուցիչը
անտարբեր լսումեն: Կամ լեզուից վերլուծվումէ
մի նախադասութիւն հայերէն թէ ռուսերէն, բա-
ռերը կարծես դուրս են քաշում աշակերտից: Ու-
սուցիչն աւելի հարցեր է անում, քան թէ աշա-
կերտը պատասխան է տալիս: Ինչ մասն քանի է,

Բնչի, Բնչ անուն, Բնչի, Բնչ սեռ է, Բնչ Թիւ է, Բնչ դէմք է, Բնչ եղանակ է, Բնչ Հօրով, Բնչի, Կամ Թէ «այս կարօղ Է նախադասութիւն լինել, Բնչի, Բնչ նախադասութիւն, Բնչի, զրտեղ է անուն բայի, զրտեղ է բայ» և այլն: Աշակերտին սովորեցնելու է, որ այս բոլորը ինքն մտածէ և մին միւսի ետեւից կարգով ասէ, որից շատ օգուտներ կան: Նկատել եմ, մի որ աշակերտ խնդիրը տախտակի վերա է լուծում ուսուցչի օգնութեամբ, միւսները տետրակի մէջ լուծելով միմեանցից օրինակում են. ինքնագործունէութիւն, մտածութիւն չկայ: Եթէ աշակերտը շուտ չէ պատասխանում ուսուցչին, ուսուցչին իսկոյն պատասխանումէ նորա տեղ: Միւս կողմից երկար սպասելու չէ, ժամանակ կորցնելու չէ, հարցը երկրորդին, երրորդին ուղղելու է, որ մտածեն: Աշխատելու է, որ աշակերտը մտածելով պատասխանէ. պէտքէ մտածել և աշխատել սովորեցնել:

3) Որովհետեւ աշակերտները չեն մտածում, ուստի չեն յիշում ոչ միայն անցեալն, այլև նոր դասերը, կարծես երբէք չեն սովորել մի բան, երբ հարցնումես: Իսկ եթէ դասը լաւ հասկանան դասարանում և յետոյ կրկնեն, նա այսպէս չի մոռանայ և տանը անգիր չի սերտի առաձեց հասկանալու: Պէտքէ այնպէս դասախօսել, որ նոր դասը կապ ունենայ, շարունակութիւն լինի հին դասերի, դառնալով անդադար հին դասերին, հարցեր առաջարկելով դժուար տեղերից: Նոյր այն ժամանակ միայն կարելի է աւանդել, երբ հինը լաւ սովորած են: Կարելի է մեծ Թուանշան

նորան միայն նշանակել, ով հին դասն ևս գիտէ:

4) Ժամանակը խիստ տնտեսելու է. զանազան կողմնակի հարցեր և խօսքեր աւելորդ են աշակերտին առաջարկել, թէ ինչի նախընթաց օր չէր եկել, հօր էր գնացել, Թինչի աշակերտը դասը չէր պատրաստել և այլն: Այս բոլորը պէտքէ դասից յետոյ. ամենայն քաջատրու թիւն տալու է յետոյ: Դասը աշակերտներին է պատկանում և այդ խելը նոցանից անկարելի է առանց վնասի: Տետրակներ հաւաքելը, բերելը, վերադարձնելը ժամանակ է խլում: Մինչդեռ դասարանում իւրաքանչիւր ըսպէ թանկ է և պիտի չկորչէ: Օրապահը առաջագոյն պիտի ժողովէ տետրակներ, սեղանի վերադնէ և ուսուցիչը պիտի տուն տանէ, ուղղէ և յետոյ նկատօղութիւններ հաղորդէ: Աշակերտներին այս եղանակը կսովորեցնէ ժամանակը գնահատել, ճշդութիւն և կարգ պահել, և ամեն քան ժամանակին անել: Այս յատկութիւնները կարեւոր են և մենք ինքներս ենք պատճառ, որ աշակերտները չունին այս յատկութիւններ, մեր դասատուութեան եղանակի շնորհով: Մանաւանդ ուշք դարձնելու է խիստ կարգապահութեան. որտեղ աշակերտները անկարգ են, այնտեղ դժուար թէ կարողանան բան սովորել: Ուսուցիչները ուշք չեն դարձնում դաստիարակական պարտքերին, դպրոցից դուրս մանաւանդ: Աշակերտը խաղումէ, բայց անկարգ, գնումէ դուրս, բայց անվայել խօսքեր է ասում ընկերին, այս բոլորը ուսուցիչը տեսնումէ և անտարբեր է, կարծես այն անձն օտար է իւր համար: Հետզհետէ աշակերտն ստանումէ նոյն անտարբե-

րութիւն դէպի ուսուցիչը, և այնքան է յարգում և քաջվում ուսուցչից, որքան որ նա դասարանական յարաբերութիւն ունի առ նա, և եթէ ուսուցիչը մի անգամ յորդորական խօսք է ասում, սա օտարոտի է թուում աշակերտին և իրան պարտաւորված չէ համարում ուսուցչին լսել: Մենչդեռ կանոնաւոր և ջերմ յարաբերութիւններ, քացի կրթօղակայան նպատակից, օգտաւէտ կլինին ուսմանն ևս. աշակերտն ուսուցչի ամեն խօսքերին դին կդնէ: Լաւ յարաբերութիւնների համար կարեւորագոյն է, որ ուսուցիչը աշակերտին վայելուչ օրինակ լինի: Հասակաւորներին նմանելը մանուկներին յատուկ սովորութիւն է, ուստի մանկավարժը քաց աչքով պիտի դիտէ և քննէ իրան, պիտի չըմոռանայ երբէք, որ նորա իւրաքանչիւր խօսք, իւրաքանչիւր քայլ նկատվում է աշակերտներից և առանց հետեւանքի չի մնայ:

5) Աշակերտներէ վարժունքը դասարաններում շատ անհամեստ էին, իսկ դասարանից դուրս բոլորովին վայրենի: Աշակերտուհիներն այնպէս աղաղակում էին, գոչում էին, վազում էին, լծռչոտում էին որ փոքրիշատէ վայելուչ արական դպրոցում աններելի կհամարվէր: Թէ տղաների և աշակերտուհիների ձայները հասնում էին քաղաքի հեռաւոր տեղեր, նոյնիսկ դասարաններում չափազանց աղմուկ էր լինում: Աղմկալի դասարանում ուսուցչին լինչ պիտի կարօղանայ աւանդել, Դասամիջոցներին աշակերտները վազում էին դպրոցից դուրս, գնում էին աղբիւրի մօտ, խաղում էին և գոչում էին փողոցի մէջ, զարմացնելով իրանց վարժունքով

անցորդներին։ Նոցա բերանից այնպիսի խօսքեր
և հայհոյանքներ էին լսվում, որ գրեւ անյարմար
եմ համարում, իսկ նոցա հայախօսութիւնը աւելի
յարմար կլինէր այլախօսութիւն անուանել։ Ոչ
միայն գասարանից դուրս, այլ նոյնիսկ գասա-
րանում, և նոյնիսկ ուսուցչի բերանից լսվում են
իմ քովս, տղի, զարնել, հրել, սրալով, շուշայ և
այլն այսպիսի ռամկական բառեր։ Կրկնումեմ,
աշակերտները շատ անկարգ էին նստում, միմեանց
վերա յենլով, գրքեր, գլխարկներ իրանց առաջ
դրած, ձեռները չափազանց անկարգ և անհամեստ
էին բարձրացնում, պատասխանները անգլխի սերտած
էին երեւում. աշակերտը կրկնումէ. պէտքէ, պէտքէ,
կամ մի մեծ դրան հասան, մի մեծ դրան հասան,
և մոլորված չգիտէ թէ ինչ պիտի ասէ յետոյ։
Բառերի այս կրկնութիւններին այնքան անուշա-
դիւր են եղած ուսուցիչներ, որ քանի մի աշակերտ-
ներ սկսել են թշուառաբար կակազել, որոնք
սկզբում ամենեւին կակազել չգիտէին։

Ընդհանրապէս ամենայն գրութեան միջոցին
աշակերտները անկանոն են նստած, իրանը ծռած,
գլուխը խոնարհած, գրատախտակիւն կամ տետ-
րակներ բոլորովին թեքված, կուրծքը սեղանի
տախտակին խիստ կպած,—սորանից աշակերտները
շատ պիտի վնասվին։

Ուսուցչի հարցեր տուած միջոցին աշակերտները
ձեռներն այնչափ անհամեստ կերպով են բարձ-
րացնում, որ կարծես յարձակումն են անում և
արդ բաւական չեն համարում, այլ զանազան նը-
շաններով ստիպել են կամենում ուսուցչին իրան-

ցից հարցնելու: Ուսուցիչներն ամենևին ուշք չէին դարձնում այս անվայել վարմունքին:

Ուսուցիչներն, գոնէ ոմանք, այն աստիճանին աշակերտներին ուղղելու անուշադէր էին, որ մի աշակերտն ասաց ուսուցչին, երբ սա հարցրեց թէ ինչ ասացի. դու ասացիր, որ Լայն: Եւ ուսուցիչը հարկաւոր չհամարեց հասկացնել աշակերտին թէ ուսուցչին և առհասարակ հասակաւոր անձին չէ կարելի եզակի թուով դու ասել, այլ քաղաքավարութիւնը պահանջումէ յոգնակի թուով դուք ասել:

Ոմանց ուսուցիչները բացատրութիւններն անձիդ են, որից երևումէ, որ աւանդելի դասերն առաջագոյն չեն պատրաստվում և կշռվում: Մեծ մասամբ սխալներն իրանք ուսուցիչներն են ուղղում փոխանակ աշակերտներին մտածել հրաւրելու և նոցա ուղղել տալու:

Պատմութեան դասին քաղմութիւ անուններ էին յիշատակում, իսկ թուականը չլսվեցաւ և ոչ մի անգամ: Ուսուցիչը շատ երկար պատմումէր առանց աշակերտին կրկնել տալու իւր պատմածը: Ուսուցչի պատմած միջոցին աշակերտներն աչքի առաջ չունին քարտէզ: Ստորին առաջին դասարանում անգամ աւանդվումէր ընդհանուր պատմութիւնը և աշակերտները բոլորովին անգարգացած լինելով ոչինչ չէին հասկանում: Տէրութեան դպրոցներում անգամ, որտեղ աշակերտներն անհամեմատ աւելի զարգացած են լինում քան թէ մեր հոգւոր դպրոցներում, որտեղ բարձր դասարանի աշակերտը դեռ ևս գրավարժութիւն չունի, գրեթէ

ընդհանուր պատմութիւնը ոչ միայն առաջին դասարանում չէ աւանդուիմ, այլև ոչ երկրորդում, ոչ երրորդում, այլ չորրորդում միայն: Մեր դպրոցներում վայրենի և անհեթեթ երևոյթներ շատ կան:

Թեւադրութեան միջոցին չափազանց ծանր էր թեւադրում ուսուցիչը, ինչ որ 10 բոպէում կարելի էր անել, հարկաւորվեցաւ 25 բոպէ: Գրծագրութեան դասին ամբողջ դաս գրեթէ ուսուցիչն էր խօսում. քառակուսի բաժանել գանազան քառակուսիներէ, աշակերտները սակաւ էին խօսում և մտածում: Այլև տետրակները նայելու իւրաքանչիւր աշակերտին գուրս կանչելն անյարմար է և ժամանակ է խլում. աւելի յարմար է նայել այն ժամանակ, երբ գծագրումեն և այնպէս ուղղել սխալները:

Շատ անգամ ուսուցիչը, ասացի, շատ գռեհկական բառեր է գործածում, երբեմն ևս փոքրերին անհասկանալի բառեր. արթուն միտք, ուսանենք. սա ցոյց է տալիս որ ուսուցիչը համակարգութեամբ (սիստէմով) չէ վարվում, չէ մտածում թէ ինչ բառեր կարելի է գործածել:

Նկատել եմ, որ դասի միջոցին աշակերտը հանումէր գրասլանակից հաց կտոր կտոր և ուտումէր, ուսուցիչը պատմումէր: Այս ձևով աշակերտը բացի չսովորելուց, շատ վատ սովորութիւններն կընտելանայ, գուցէ և գողութեանն ևս: Ուսուցիչը չըջանկատ պիտի լինի և զանցառութիւն նկատելիս, հրամայէ դադարել: Դաս վերջանալուց յետոյ ուսուցիչներ մնումէին դասարանում, իսկ

ոմանք զանգակին չէին սպասում և դուրս էին գալիս: Մինչև անգամ պատահեց, որ մի դասարան առանց զանգակի գնումէր աղօթումէր, միւսները դեռ ևս դաս էին շարունակում մինչև զանգակ խփելը, մի ուրիշ անգամ զանգակը շատ շուտ սըխալմամբ խփված լինելով, ուսուցիչը անմիջապէս թողնում զնոմէ, թէև ուրիշները պարասլուծմեն. անտանելի անկարգութիւններ էին: Զանգակը ժամացոյց է. աշակերտների բոլոր պարսպմունքը զանգակով են կարգաւորվում. նոցա շատ սիրել տալու է կարգով գործ կատարել և ժամերը գընահատել տալ: Ամէրիկայում աշակերտները ժամացոյց ունին. Գաս սկսելու զանգակ խփելուն ալէս աշակերտները պիտի մտնեն դասարան և վերջանալու զանգակ խփելու հետ պիտի արձակվին, առանց մի բոպէ ևս արգելվելով: Իրաւունքից զրկվել սովորեցնելու չէ, մանաւանդ որ մաքուր օդ պիտի ծծեն, բնական կարիքներ ունին ևայլն:

Երբ մի աշակերտ կարդում է և միւսներ լսում են, առաւել օգտաւէտ է, որ նոյնինքն աշակերտներն ուղղեն ընկերի սխալներ քան թէ ուսուցիչը:

Բառ առ բառ թարգմանութիւնը սկզբում օգուտար է և երբեմն անօգուտ, երբ դեռ ևս ձևերը չըգիտեն. օրինակ, ոտից-ոտների, լերանց-լեռների, կամ АУМАЯ-մտածելով. սկզբում բառի իմաստ հասկանալն, գոնէ ուսերէնից, աւելի բնական է քան թէ ձևը. մանուկը միշտ սկսում է խօսել անկանոն ձևերով: Մեր դպրոցներում շատ ժամանակ գործ ենք դնում առանձին բառերի և խօսքերի թարգմտ-

նութեան վերա, ուստի մեր աշակեցողները չգիտեն լեղու գործնականապէս, ինչպէս տէրութեան ուսումնարաններում, որտեղ արդէն նախակրթարանում սկսում են ուղղակի պատմել տալ կարգացածը: Շատ անգամ ուսուցիչը հայերէն է խօսում, օր. ո՞վ կարող է ասել етарикъ ինչ բառ է, արական, թէ իգական. մէկ ինչպէս կլինի ուսերէն ևայլն: Հարկաւոր է ուսերէն դասին ուսերէն խօսել և խօսեցնել: Բառեր թարգմանելիս ուսուցիչն հարցրեց, ի՞նչ է ճեմ, աշակիրտուհին պատասխանեց, քայլ, ուսուցիչն ուղղեց, քայլք ենք ասում:

Բոլոր ուսուցիչները միեւնոյն ընդհանուր գործ են առաջ վարում, միմեանց օգնելով և լրացնելով: Ուրեմն ի՞նչ հարկ է ընդհանուր աշխարհագրութեան դասին Ռուսիայի մասին տեղեկութիւններ թելադրել, երբ Ռուսիայի աշխարհագրութեան առանձին դաս կայ:

Դասարանում շրջելով դաս պատմելը շատ անյարմարութիւններ ունի. աշակերտներ ստիպւած են անդադար ուսուցչի գնացած կողմը դառնալ, անհանգիստ մնալ, ոմանք անուշադիր են մնում, ոմանք ուրիշ գործով կզբաղին, երբ ուսուցիչը նոցա չէ տեսնում, և գլխաւորապէս կորչում է աչքերի ազդեցութիւնը, որ շատ մեծ նշանակութիւն ունի, մանաւանդ եթէ ուսուցիչը գիտէ աչքերով ևս խօսել:

Աշակերտների մեծագոյն մասը 12 ժամին արձակւումէր տուն. սա իհարկէ հիմնական վրնաստիար անկարգութիւններից մին էր, երբ 90 աշակերտով դասարանը օրական 3 դաս ունի, 12-ին

տուն արձակվելով , և միւս կողմից 10 աշակերտ առանձին դասարան են կազմում, թէև սոցա տեղեկութիւնները շատ և շատ սակաւ տարբերութիւն ունին իրանց նախորդ դասարանի աշակերտներին, այն ևս մի երկու առարկաներից միայն: Բայց սորա մասին արդէն տնօրէնութիւն եղաւ: Ուսուցիչներ չափազանց խռոված էին շրջում աշակերտուհիների մէջ. սա անյարմար երևոյթ է: Ուսուցիչները քաղաքավարութեան օրինակ պիտի լինին, ով չգիտէ պիտի քովորէ: Իրանց քաղաքավարի վարմունքով օրիորդների հետ պիտի սովորեցնեն թէ նոքա ինչպէս պիտի խօսեն կամ վարվին տղամարդիկների հետ: Գասարաններում ուսուցիչներն հարկաւոր չէին համարում կարգ պահպանել և սովորեցնել. օրինակ, նստարաններ անկարգ են դրված, այնպէս և մնումէին, իրր թէ միայն ծառան պիտի հոգար այդ, ջնջոց, կաւիճ ընկած են գետնին, դուռը բաց է, ուսուցիչը չէ պատուիրում աշակերտին, որ ընկածները ժողովէ, դուռը փակէ: Աշակերտներէց օրապահներ չլինելով, դասարանը կարգի բերելու ոչ ոք հոգացող չկար. ուսուցիչների ստորագրութեան մատենանը յետոյ ևս երկար չէր ոտորագրւում կարգով: Սա կարեւոր է իմանալու թէ ինչ ուսուցիչ ինչ է աւանդում այս ինչ օր: Թուանշաններ գրելու սովորութիւն բուրրովին վերցված էր, մինչդեռ տեսչին անհնարին է ուրիշ կերպով հսկել աշակերտների առաջադիմութեանը, թողնենք ուրիշ կողմեր:

Առանց խօսելու ուսսական լեզուից չլսված սըխալներով գրելու մասին, չէ կարելի չիշել, որ

բարձրագոյն դասարանի 7 տարի դպրոցում սովորող 16 ամեայ տղան տժգոհ գրելու փոխանակ գրումէ դպոյ, 8 տարի սովորող 18 ամեայ տղան գրումէ կառաւարութիւն, համրանքներ փոխանակ համայնքներ, կար՝ փոխանակ կարգ, դասակար՝, ժատ փոխանակ շատ, օրէնքնէր ևայլն: Եւ եթէ սոյն աշակերտներ նշանակվումեն կելրակէ օր ս. պատարագին գերք կարդալու, շատ օրեր պատրաստվելուց յետոյ, կելրակէ օրը դարձեալ բազմաթիւ սխալներով են կարդում:

Ուսուցիչների մէջ նկատելի չէ ոչինչ գրեթէ համերաշխութիւն: Ուստի պէտքէ ասել, որ թէ ուսումն և թէ կրթութիւն պակասումէին: Ընդհանրապէս կրթութիւնը չափազանց անխնամ և անհոգ թողուած էր: Կարծես կրթութիւն, մաքրութիւն բառերն անգամ անյայտ էին դըպրոցում: Դժուար է այս միայն նախագծերի (պըրօգրամների) պակասութեանը վերագրել: Ամեն նախագծերի լաւագոյն կանոնաւորիչը ինքն ուսուցիչն է, երբ նա համերաշխաբար է ներգործում իւր պաշտօնակիցների հետ: Իմ կարծիքով նախագծերի մասին ամենայն դատողութիւններն աւելորդ կհամարվին այն օրից, երբ իւրաքանչիւրը և ամենքը միասին կհասկանան, որ ուսման գլխաւոր, յատուկ խնդիրն է աշխատել մանուկի և պատանու մէջ դարգացնել մտածողական ընդունակութիւններ և գիտակցական յարաբերութիւն առ ամենայն շրջապատող երևոյթներ, և ոչ թէ մանուկի գլուխը բազմաթիւ տեղեկութիւններով լցնելու աշխատութիւն միայն պէտքէ, այլ

անհրաժեշտ է ուսուցչի կողմից անդադար հոգացողութիւն, որ աշակերտը իմանայ այն ամենն, առանց որի անհնարին է ապրել: Երանի թէ բոլոր ուսուցիչներն իմանային Ֆրանսացի դատաւոր Ագիւստօի այս խօսքերը, որ գրեց նա իւր անդրանիկ որդուն, երբ սա վերջացրեց իւր դպրոցական դասընթացը. «Որդեակ, ձեր դասերը վերջացել են, ձեր ուսումն ավտի սկսվի»: Այս խօսքերն ասված են 18 դարի կէսում: 19 դարի վերջում ուսուցիչներն այս խօսքերը քաջ հասկանալուց յետոյ գուցէ առաւել պատշաճաւոր ուղղութիւն կտային իրանց դասատուութեանը: Ֆրանսացի մանկավարժ Գոէյար ասում է, որ ամենամեծ նշանակութիւն ունին պատանու զարգացման վերա ընթերցանութիւնը, խօսակցութիւնը, ճանապարհորդութիւնը և գլխաւորապէս ծնօղների և դաստիարակների խորհուրդները: Իսկ գերմանացի իմաստասէր Կանտը, կամենալով ցոյց տալ խօսակցութեան բոլոր նշանակութիւնը մանուկի զարգացման համար, ասում է. «Աւելի յաճախ ծնօղները խօսում են մանուկների հետ միայն առանձին դէպքերում, մինչդեռ թէ իրանց և թէ պատրաստվող ապագայի օգուտը պահանջում է, որ ծնօղները միշտ խօսեն զաւակների հետ: Այս կըթուլութիւնը արդարեւ նախագիծ չունի, բայց նորա նախագիծը նոյնինքն կանոնաբար հասկացված և օգտաւէտաբար վարած կեանքն է»: Բայց կարող է արդեօք խօսակցութիւնը օգուտ բերել, երբ ուսուցիչների և նոցա հայեացքների ու գործունէութեան մէջ համերաշխութիւն չկայ:

Նախագծերնս գրքոյկում ասել եմ և այստեղ
ևս կրկնում եմ, որ աւանդելի առարկաների մէջ
կապ պիտի լինի. օրինակ, պատմութեան և
աշխարհագրութեան մէջ այսպիսի կապ պիտի
լինէր. երբ աշակերտներն աւանդվումէ արեւելքի
պատմութիւնը, աշխարհագրութենից պիտի ա-
ւանդէին Ասիա և Աֆրիկա, նոյնպէս երբ ա-
ւանդվումէ Յունաստանի և Հռովմի պատմու-
թիւնը, աշխարհագրութենից պիտի աւանդվի Ավրո-
պան: Միեւնոյն համաձայնութիւն պիտի լինէր լե-
զուների ուսուցման վերաբերմամբ: Քերականական
հասկացողութիւններն աշակերտներն իրանց հասկա-
նալի մայրենի լեզուի դասերին պիտի ձեռք բե-
րէին, այնուհետեւ հեշտ կլինէր օտար անուններ
սովորել: Ապա թէ ոչ դժուար կլինի նոցա թէ նոր
գաղափարներ և թէ նոյն գաղափարներ այստե-
նօղ բառեր սովորել անձանօթ լեզուով: Ինչ
միտք կարօղ է ունենալ ռուսերէն հրովմունք և
խոնարհմունք սովորելն, եթէ մանուկներն չգի-
տեն այս ձևերի գործածութիւն մայրենի լեզուով:
Ահա այստեղ ևս դարձեալ հարկաւոր է, գործի
յաղօղութեան համար, համերաշխ ներգործութիւն:

Վերջացնելով խօսքս պիտի յայտնեմ, որ մեր
դպրոցները մի բաւական խոշոր պակասութիւն ևս
ունին. որքան նկատեցի և իմացայ դպրոցի և ծնող-
ների մէջ չկայ ոչինչ կենդանի և սերտ կապակցու-
թիւն: Երբ այս մօտ օրերս հրաւիրեցի ծնողներին
քանի մի խնդիրներ նոցա առաջարկելու, ամե-
նայն պատրաստականութեամբ ընդունեցին հրա-
ւէրս և շատերն ասացին ինձ, որ այդպիսի հրա-

ւէր նոքա երբէք չէին ստացել: Աւելի կանոնաւոր
և հաստատուն յարաբերութիւն սահմանելու հա-
մար դպրոցների և ծնողների մէջ, ցանկալի կը-
լինէր մանկավարժական ժողովներ կազմել: Ամիս
մի անգամ ուսուցիչներէց մին կկարդայ ժողովում
դատողութիւն որեւիցէ մանկավարժական խնդրի
մասին: Այս յօդուածը կարելի է առաջագոյն ուսուց-
չական խորհրդում կարդալ: Ներկայօր ծնողները,
մասնակցելով կարդացած դատողութեան առի-
թով եղած խօսակցութեան մէջ, կարող են յայտ-
նել իրանց ցանկութիւններ, նկատողութիւններ
և այլն: Այսպիսի ժողովները լինում են արդէն
Նօրվէգիայում, Շվէցիայում և նոր սկսել են Գեր-
մանիայում:

Այս են ահա նկատողութիւններս և նոցա հետև
անքները, բայց իհարկէ սոցանով չեն պարզվում
բոլոր այն խնդիրներն, որոնք դպրոցի կեանք են
կազմում և որոնք մեր անդադար ուսումնասի-
րութեան նիւթ պէտքէ լինին»:

Մանկավարժական խորհուրդը լսեց տեսչի նը-
կատողութիւնները, համաձայնեց նորա մականը-
րութիւններին և որոշեց ընդունել ի կատարումն
և ի ձեռնարկութիւն:

Ամ Ժողովը անկախ որոշեց մարտի 1-ին ղրկել զպրո-
քուն և զպրօքս արքունի և Ժողովարան մարտի 1-ին
հոգնաբան արքունի միջոցով: Բայց արք. Ժեմ. յայնմ
հիշմանում զղմովիսով արքունի ունի արք. Ժեմ. Ժեմ.
մեծաւ, ղրկման համար արքունի Ժողովարան ղեկավար
տալ միջոցառման ղեկավարութեամբ Ժողովարան միջոց
տալ ղրկարար ղեկավար միջոցով և արք. Ժեմ.

ԱՌԱՂՅԹԱՅԻ ԵՒ ԱՌԱՂՔԱՂԱՔԻ ՎԻՃԱԿԻ ՀԱՅ

ԱՌԱՔԵԼՈՎԱՆ ՔԱՀԱՆԱՆՆԵՐԻՆ

Թէ՛ւ այս յօդուածը բուն մանկավարժական չէ, բայց եկեղեցական ուսուցչութիւնն ևս բարոյական դաստիարակութեան կվերաբերվի, եկեղեցին մեկնոյն կրթական լսարան է: Այլև մեր ուսուցիչներն շատ շատերը քաջանաներ են, շատերն ևս վերջը քաջանայութիւն են ստանում: Ուստի այս գրութիւնը առանձին՝ ուղարկելով Ախալցխայի և Ախալքալաքի վիճակի հայ քաջանաներին, աւելորդ չհամարեցինք Մանկավարժանոցումս ևս հրատարակել:

Խմբ.

Շնորհք ընդ ձեզ եւ խաղաղութիւն, եղբարք եւ պաշտօնակիցք իմ, յԱստուծոյ Հօրէ մերմէ եւ ի Տեառնէ Յիսուսէ Քրիստոսէ:

1) Քաջանան ոչ միայն խորհուրդների և ծէսերի կատարող է, այլև նոյնիսկ սորանով իւր ժողովրդի բարոյական կեանքի ուղեցոյց է, հոգևոր եղխանութիւն և ոյժ է, որը պիտի ուղղէ և կարգաւորէ իւր ժողովրդի բարոյական դրութիւնը: Նորա հոգացողութեան են յանձնված հաւատացողների սրտեր և հոգիներ և իւրաքանչիւր կորած հոգու համար նա պարտական է հաշիւ տալ Աստուծու առաջ: Բոլորն ինչ որ լինումէ հաւատացողների ներքին կեանքի մէջ, նոցա խորհրդածութիւնները, տարակուսութիւնները, ձգտումները, սովորութիւնները, համակրութիւնները,

նոցա ցաւ և ուրախութիւնը, այս ամենը պիտի լինի քահանայի ուշադրութեան և հոգացողութեան առարկայ: Քահանան ամեն միջոցներ պիտի գործ դնէ իւր ժողովրդի մէջ հաւատ կենդանացնելու և կենդանի պահելու, մօտեցնելու մարդիկներին իրանց Արարչին և Փրկչին ոչ թէ լոկ խօսքով, այլ անձամբ կենդանի հաւատ ունենալով, անկեղծօրէն սիրելով և առաքինի կեանք վարելով: Եթէ ամեն հանգամանքում օրինակը նշանակութիւն ունի, եկեղեցում և դպրոցում գլխաւոր ներգործող և ագրող միջոցը օրինակն է, որով կարելի է ժողովրդին ճշմարիտ քրիստոնէական զգացմունք ունենալուն նպաստել: Քահանայի և նորան ստորադրված սպասաւորների ամեն շարժմունքը եկեղեցում պիտի լինին համեստ, խոնարհական, երկիւղածութեամբ և կենդանի հաւատով առ ներկայող կենդանի Տէրը: Պաշտօնեաների այսպիսի վարմունքը և սորա համեմատ խրատները կյօժարեցնեն ժողովուրդը լուութեամբ և երկիւղածութեամբ աղօթել եկեղեցում, առանց չըջելու և մանաւանդ խօսելու: Քահանան իւր հովուութեան յանձնված անձների և հայր է, և բարեկամ, և եղբայր, և խորհրդական, և հարկաւոր է որ այսպէս նայէր նորան նորա ժողովուրդը: Հարկաւ սա հեշտ չէ, բայց ոչ ոք երբէք ամած չէ թէ հովուի պարտականութիւնները հեշտ են, եթէ նոցա լոկ արտաքին ժամօսացութեան և օրինակատարութեան մտքով չնայենք: Ինք ամենքդ այս գիտէք և պարտական էիք գիտենալ, երբ յանձն էիք առ-

նում ձեր վերա այս ծառայութիւնը: Բայց և այն-
պէս կասեմ ձեզ իմ համոզումս, որ այսպիսի մի
բարոյական առաջնորդող ոյժ լինելը ժողովրդի
մէջ, նորա ներկայ դրութեանը նայելով, ամենեւին
այնպէս դժուար չէ, ինչպէս որ երևում է: Մեր
ժողովուրդը պարզ է, գրեթէ բոլորովին անուս
է, ինքն է որոնում առաջնորդօղին և խոր-
հուրդ է խնդրում, — քահանայի գործը, մանաւանդ
գիւղերում գարգացած մարդիկներէ հետ չէ,
որոնց կազմած համոզմունքը շատ թէ քիչ հա-
տատուն են: Եթէ քահանան փոքր ինչ ուսած
է, միշտ կկարողանայ ժողովրդից բարձր լինել
և նորա ղեկավար դառնալ, եթէ միայն իւր կեան-
քով և իւր անձնական յարաբերութիւններով դէպի
ժողովրդականները չհեռացնէ, նոցա իրանից:
Կդայ ժամանակ, գուցէ արդէն մօտ է, երբ աւե-
լի դժուար կլինի նաև հասարակ ժողովրդի վերա
ազդել: Հարկաւոր է շտապել բարոյական ոյժի նշա-
նակութիւն ձեռք բերելու, յետոյ արդէն ուշ կլինի:
Տեսականապէս այս ճշմարտութիւնը շատ թէ
քիչ միշտ խոստովանում էին, թէև պիտի ասեմ, որ
պատահել էմ այնպիսի քահանաներին, որոնք իմ
այսպիսի խօսքերը գրեթէ զարմացմամբ էին լը-
սում, կարծես թէ նոր բան էր հաղորդում նոցա:
Սակայն գործնապէս շատ հազիւ էր կատարվում:
Բացմաթիւ բարդ պատմական հանգամանքներ,
որոնց մասին սուելորդ և երկար կլինէր խօսել,
պատճառ էին, որ մեզանում մինչև այսօր հոգեւո-
րականներէ ազդեցութիւնը ժողովրդի վերա շատ
թույլ է: Յաւ է ասել, որ մեզանում տարածված

սովորութիւնը բոլոր պարտքը սահմանաւորելու միայն օրինակատարութեա և ժամասացութեամբ և այնուհետև բոլոր իւր պարտքը կատարած համարել, դեռ ևս շատ զօրաւոր է: Հրաւիրումեմ քահանաներին իրանց ուշքը դարձնել բարոյական ազդեցութեան այս պահանջմունքի վերա, և երբեք չմոռանալ իրանց բարձր կոչումն և նշանակութիւնը ժողովրդի մէջ:

2) Ժողովրդի վերա ազդելու, նորա սրտի տրամադրութիւններ և ձգտումներ ճանաչելու նշանաւոր միջոցներից մին, բացի շարունակ հսկելուց նորա բարոյական դրութեանը, խոստովանութիւնն է: Ցաւ է ասել, որ այս մեծ խորհուրդը և հովուական գործունէութեան նշանաւորագոյն գործօղութիւնը շատ շտապով է կատարվում: Երկու երեք բոլորում ասվում են բոլոր մեղքերը և շնորհվում է արձակումն: Չափազանց սակաւ կը պատահի, որ գոնէ համառօտապէս ազդարարէ խոստովանահայրը խոստովանողին այլևս չմեղանչել: Մեղաչներու ոչ պատճառներ, ոչ հանգամանքներ, ոչ ներկայ բարոյական դրութիւնը չեն հաղորդվում քահանային, սա ևս չէ ցոյց տալիս ոչ մեղքից ազատվելու միջոցներ, ոչ առաքինութեան ճանապարհ: Եւ այն հոգևոր վէրքերից, որ նոյն խոստովանութեան խորհրդով կարողանում է խոստովանահայրը իւր առաջ բացված տեսնել, ոչ մինին սպեղանի չէ դնում: Այսպէս էր մեղանում վաղուց: Քահանաներն ասում են, որ խոստովանողները բազմաթիւ լինելով, անկարելի է լինում նոցանից իւրաքանչիւրին քանի մի բո-

պէից աւելի նուիրել, Սակայն կարելի է և պէտքէ յորդորել ժողովրդականներին, որ նոքա չգան խոստովանելու միասին, մի օրում և ոչ երկու օրում, այլ սկսեն խոստովանութիւն հաղորդելուց քանի մի օր առաջ: Այս նպատակով կարելոր է ապաշխարութեան օրերից առաջ խրատ խօսել, հասկացնելով ժողովրդին ապաշխարութեան խորհրդի նշանաւորութիւնը և մեծութիւնը: Մեզանում արմատացած սովորութիւնը լռելիս նայելու դեռահասների խոստովանութեանը նոյնպէս հաւանելի չէ կարօղ լինել: Նոցա ևս պէտք են նոցա հասակի համեմատ խրատներ, յորդորներ: Գլխաւորապէս՝ սովորեցնելու է ամենեքին ուղիղ հայեացք ունենալ ապաշխարութեան խորհրդի վերա:

Միևնոյն ժամանակ քահանաներն իրանց քաղցր պարտք պիտի համարեն անդադար յորդորել ժողովրդին, մանաւանդ խոստովանութեան և մահի մահճի վերա առ բարեգործական նուիրատուութիւն եկեղեցուն, դպրոցին, հիւանդներին և աղքատներին և Ս. Էջմիածնի Մայր Աթոռին, որը հայկական ազգի բարոյական փրկութեան և կենդանութեան Սրբափայլ է: Որովհետև հոգեւոր վարչութեան պարտք է հոգալ ժողովրդի բարոյականութեան բարւոքումն, ուստի քահանաները պիտի յայտարարեն փոխանորդին տարին մի անգամ առ 1 յունվարի ժողովրդի մէջ արմատացած արատները և բարոյական պակասութիւնները մասին, ցոյց տալով նոցա պատճառներն և նոցա դարգացման նպատակ առանձին հանգամանքներ,

այլև պէտքէ յայտնեն թէ թնչ միջոցներէ էին դիմում իրանք և թնչ անելու է նկատված բարոյական պակասութիւնները ոչնչացնելու համար: Բարոյականութիւնը հարկաւոր է ընդարձակօրէն և ոչ նեղ մտքով հասկանալ: Ընտանեկան կացութիւնը, ընտանիքի անդամների փոխադարձ յարաբերութիւններ, գաւախների կրթութիւն, նոյնպէս ժողովրդի յարաբերութիւնը առ հասարակական նշանակութիւն ունեցող գործերը, ժողովրդի մէջ ճշմարտութեան, օրինաւորութեան կամ կանոնապահութեան զգացման զարգացած լինելու աստիճանը, ժողովրդի համակրութիւն կամ հակակրութիւն առ հասարակական օժանդակութիւն կամ բարեգործութիւն, որեւիցէ աղանդական սրամաղրութիւն, կրօնական գեղծմունք կամ կրօնից սասանելու ձգտմունք, այս ամենը բարոյական կեանքի և բարոյական կացութեան երեւոյթներ են:

3) Բայց ամենառաջին և նշանաւորագոյն միջոց ժողովրդի վերա ազդելու քահանայի կողմից, որը միջնորդ է կանգնած մեղանշող մարդկութեան և մարդասէր Աստուծու մէջ, եկեղեցական ուսուցչութիւն է: Այս գործը մինչև այսօր մեր եկեղեցում անտես և անհոգ թողված է: Սակայն քաղաքը նոյնչափ կարևոր մասն պիտի համարվի տէրօնական օրի ժամասացութեանը, ինչպէս Աւետարանի ընթերցանութիւնը: Քրիստոնէութեան Հեղինակի գործը քարոզութիւն էր և իւր աշակերտներին գլխաւորապէս քարոզիչներ կարգեց: Գնացէք այսուհետև աշակերտեցէք զամենայն

Հէթանոսս: Աւրեմն քահանան պիտի աշակերտէ, պիտի ուսուցանէ: Քարոզը արհեստական և վերացական պիտի չլինի իւր չոր և անկենդան նիւթով: Այլ քարոզի նիւթը պիտի լինի լուսամիտ, ճշմարիտ, աստուածապաշտ կեանք, խնդրեցէք նախ զարքայութիւնն երկնից և զարդարութիւն նորա և այլն ամենայն յաւելցի ձեզ: Քրիստոնէական քարոզութիւնը պիտի չստորանայ կուսակցութիւնների վէճերի և հակառակորդութիւնների ասպարէզ դառնալու: Հարկաւոր է քարոզել Աւետարանը, և միայն Աւետարանը, այսինքն սէր առ Աստուած և առ ընկեր, կրօնական և հասարակական պարտաճանաչութիւն և պարտականատարութիւն, անարժաթսիրութիւն և ճշմարտութիւն, ներօղամտութիւն և մարդասիրութիւն, խաղաղութիւն և անյիշաչարութիւն, խստութիւն առ ինքն և զիջողութիւն առ ուրիշները, և յարգանք առ ամենքը: Խիստ հարուածելու է Հայերիս մէջ խորին արմատներ ձգած անձնական բուռն կիրքերը և եսամոլութիւնը: Երբ ամեն գործում քրիստոնեան առաջ է բերում իւր եսը այնտեղ մոռացված է և խափանված է ամեն աստուածային և մարդկային օրէնք. եսամոլ մարդը իւր եսը դարձրել է կուռք և պաշտում է նորան: Եսամոլ մարդը նոյնպէս կուսապաշտ է, ինչպէս ազա՜հ և ժլատ արծաթասէրը:

Սխալ ճանապարհով չգնալու համար հարկաւոր է խնամքով պատրաստել խրատները, և ոչ տնպատրաստ ատենաբանել, չուսալով անձնական ճարտարախօսութեանը: Հարկաւոր է մեր աստուածային Փրկչի ոգով խօսել, պարզ, դիւրըմ-

բռնելի մաքուր ոճով: Մեկնոյն ժամանակ պէտքէ քարոզել բժշկելու և ոչ դառնացնելու նպատակով, սրտերն առ Աստուած վերուղղելու և ոչ զայրացնելու...:

Քարոզի մէջ, ինչպէս և մասնաւոր խօսակցութիւններ ինչ անգամ, քահանայն շատ զգոյշ և խոհեմ պիտի լինի ուրիշներէն դատելիս: Եթէ բարի բան ունի ասելու, կարօղ է աներկմիտ խօսել, իսկ եթէ տարբեր լեզուով պիտի խօսէ, լռել լաւագոյն է և աւելի քրիստոնէականել է:

Ալէկոծեալ ժամանակի մէջ ենք ապրում. համոզմունքը փոփոխւում են, նոյնիսկ հաւատը փոխւում է: Արդեօք ժողովրդի մէջ 100-եց հինգը հասկանում է մեր սուրբ կրօնը: Իսկ ինչ որ չգիտէ մարդս չէ կարօղ ցանկալ: Երկար ժամանակ հայկական ազգը անսասան պահում էր իւր մայրենի կրօնը ընդհանուր ազգային ոգու ուժգին փշմամբ: Իսկ այժմ, աւաղ, ուրիշ հողմեր են փչում, մանաւանդ թերուս տգէտների կողմից: Նոյն հողմերը փչում են ժողովրդի վերա ևս. Հարկաւոր է, որ հոգեւորականները ամուր և պինդ կանգնեն այս հողմերի դէմ և դիմադրեն: Հարկաւոր է լուսաւորել և ոգեւորել ժողովուրդը կրօնի լոյսով և ճշմարիտ ոգով, կանոնաւոր և ակնածելի ժամասացութեամբ, ներդաշնակ և քաղցր ժամերգութեամբ և առաւելապէս քարոզով և խրատով, զարթեցնելով ժողովրդի մէջ քրիստոնէական և մարդասիրական զգացմունքը:

Մեր ժողովուրդը, առաւելապէս գիւղերում, այնքան քիչ է զարգացած և լուսաւորւած, այնքան

սակաւ է հասկանում կրօնի ճշմարտութիւնները, այնքան սակաւ է պահանջում խրատներէց, որ պէտքէ դարմանալ թի ընչ կարօղ էր դժուարացնել քահանաներին խրատներ խօսելու:

Քահանաներին խրատ խօսելու դժուարացնող պատճառներից մին նոցա թիւր հայեացք է քարոզութեան վերա. սովորել են մտածել թէ քարոզը մեծ հմտութեամբ, ճարտասանական ձևերով և ոճերով պիտի ասվի: Սա ի հարկէ շատ ժամանակ և աշխատութիւն կ'պահանջէր: Բայց այսպիսի քարոզի հարկաւորութիւն ևս չկայ ամենեւին: Այսպիսի քարոզը աւելի վնաս կրերէ քան թէ օգուտ: Հրաւիրումեմ քահանաների ուշադրութիւնը այս հանգամանքին: Մեր Փրկիչը պարզ և հասկանալի առակներով էր խօսում իրան լսող ժողովրդի հետ: Թող իւրաքանչիւր քահանան խօսէ ուղղակի և պարզապէս այն, ինչ որ գիտէ (և նա գիտէ միշտ անհամեմատ աւելի քան թէ նորա գիւղական ունկնդիրը), և ինչ որ զգում է իբրև բեմի սպասաւոր և հովիւ: Թող տաճարում ևս խօսէ նոյն պարզ յորդորական ոճով, ինչպէս որ խօսում է ժողովրդի հետ տնային խօսակցութեան միջոցին: Հարկաւ ոճի պարզութիւնը և ճշդութիւնը գոհակաբանութեան և անվայելութեան պիտի չփոխվին:

Մեր ժամասացութիւնը կատարվում է դրաբար լեզուով, որը մեծ մասամբ անհասկանալի և անմատչելի է ժողովրդին: Ուրեմն առանց մեծ աստուածաբան լինելու, ինչ կրօնական ճշմարտութիւններ որ ասէր քահանան որոշ և պարզ խօսքով, յարմար և

օգտաւէտ կլինէր: Եթէ քաջանան թարգմանաբար մեկնէ ժողովրդին կենդանի հասկանալի լեզուով կիւրակէ օրեր պատարագին կարդացած, աւետարանը կամ աղօթքներ և ընթերցումներ, քիչ օգուտ բերած չի լինի իւր ունկնդիրներին:

Հոգեւոր դպրանոցում ուսում չառածները երբեմն կարծումեն թէ իրաւունք չունին խօսելու: Այս կարծիքը անպատահալարմար է մեր հանգամանքներում: Ով կարօղ է և գգումէ իւր մէջ ոյժ և ընդունակութիւն, թող քարոյէ: Ուսումնական հոգեւորականը ի հարկէ իւր քարոյը կարօղ է աւելի օգտաւէտ անել, բայց սրտանց խօսելը իւրաքանչիւր ոք կարօղ է: Այլև դպրոցական վկայականը մեզանում դեռ ևս ուրիշներէց, վկայական չունեցողներէց, բարձր և գերազանց լինելու վճարութիւն չէ միշտ: Վկայական չունենալն ևս չէ նշանակում միշտ տեղեկութիւններ և մանաւանդ կենդանի կրօն չունենալ: Դպրոցական ուսում չառած քաջանաները, գոնէ ոմանք կարօղ էին կրօնական գրքեր կարդալով լրացնել իրանց կրօնական ուսման պակասութիւնը: Մի բան կարօղ էր արգելք լինել թոյլ տալու, մանաւանդ գիւղական քաջանաներին, իրանց սեփական խորատներ խօսելու, — ենթադրութիւն թէ մի՞ գուցէ սխալ բան ասեն քրիստոնէական վարդապետութեան դէմ: Բայց այս ենթադրութիւնը կարելի էր անել ամենքի վերաբերմամբ: Վերջապէս, երբ մի անգամ նոքա ձեռնադրված են քաջանայ, ուրեմն ունին և պիտի ունենան քաջանայի բոլոր իրաւունքները, նոյն և ուսուցանելու իրաւունքը:

Իսկ քաջանաներն սերունդներն առաջն առնելու համար կայ գործակալներն հսկողութիւնը:

Ճշմարիտն ասած ոչ մի պատարագը պիտի չը վերջանայ առանց խրատի. կրկնումեմ խրատը կիւրակէ օրի ժամասացութեան կարեւորագոյն մասն պիտի համարվի միշտ: Կենդանի խօսքը միշտ աւելի կենդանի և զօրեղ ազդեցութիւն է գործում, մանաւանդ հասարակ ժողովրդի վերա, որը ապրում է աւելի տալաւորութիւններով քան թէ իմացական կշռադատութիւններով:

Սկզբում իհարկէ քարոզի շարայարութիւնը բաւ սերտելու է: Երբ այսպէս քանի մի անգամ կկրկնվի, այնուհետև պակաս կհարկաւորվի պատրաստութիւն և աննկատելի կերպով սովորութիւն կդառնայ առանց սերտելու խօսել, բաւական կը լինի միայն առաջագոյն կազմել քարոզի նախագիծը և ընդհանուր բովանդակութիւնը, և վերջը քաջանան ընդունակ կդառնայ քարոզ ասելու յանպատրաստից: Գիւղերում այս սովորել շատ հեշտ է: Այնտեղ շփոթվելու առանձին առիթներ չկան:

Կարեւոր եմ համարում պարտք դնել ամեն քաջանաների վերա անշուշտ, բացի սովորական քարոզներէց, որոնց նպատակը ժողովրդական բարոյականութեան բարւոքումն է, կրօնական հաւատալիքների վերա ևս խօսելու, որոնք կարեւոր են թէ դեռահասներին և թէ չափահասներին կրկնելու: Շատ օգտաւէտ կլինէին նոյնպէս կրօնական զրոյցներ, եթէ օրինակ յայտնաւոր կարդալու փոխանակ սովորութիւն դառնային կրօնական պարզ խօսակցութիւններ տօն օրերին:

Ցանկալի կլինէր սահմանել քարոզչական օրագրութիւններ: Առանձին մատեանում քարոզչութեան գաղափարներն արձանագրելը օգտակար է ոչ միայն նորա համար, որ հնարաւոր կլինի հսկել քահանաների քարոզչական գործունէութեան վերա, այլև նորանով, որ օրագրութիւնը անդադար կը յիշեցնէ քարոզչութեան պարտքը և կոտորակ աւելի մտածել նորա վերա: Սակայն լոկ ձեռք համար չեմ առաջարկում այս. օրագրութիւնները ճշդութեամբ պիտի գրվին և գործակալները տարին մի անգամ պիտի հաշիւ տան, թէ որքան, որքան քարոզ և կրօնական խրատներ են ասված, թե՛ վերա և թե՛ բնարանով և թե՛ն վերաբերեալ, այսինքն ինչ պակասութիւն կամ արատ ոչնչացնելու համար էին ասվում, և թէ նկատելի է արդեօք որեւիցէ բարեփոխման քարոզութեանց ևայլն: Քարոզներ պիտի քննեն գործակալները: Փոխանորդն ևս կնայէ և կկարգաւ վիճակին այցելութեան միջոցում:

5) Քահանայական առաջին պարտքերից համարեցէք ամեն տեղ չունեցողներին և աղքատներին խնամակալող հոգաբարձութիւն հիմնելու և օգնելու. մեր Տէրը գլխաւորապէս թշուառ մարդկութիւն հոգաց և խնամեց: Միւսնոյն ժամանակ հոգալու է, որ ճշմարտապէս տնանկներ և անօգնականներ շահվին հասարակական տուրքից, իսկ աշխատել կարողացողների համար հոգալու է որեւիցէ տեղ և գործ գտնելու:

Նոյնպէս առաջին պարտքերից պիտի համարէք քահանան, մանաւանդ գիւղերում, իւր ժողովրդի

մանուկներին, թէ տղաներին և թէ աղջիկներին որեւիցէ հնարով քրեատոնէական վարդապետութեան սկզբունք և հայերէն գրագիտութիւն սովորեցնել, մանուկներին ժողովելով եկեղեցու դաւթում յարմարեցրած մի սենեակում կամ իւր տանը:

6) Ժողովրդի հետ ունեցած յարաբերութիւնները մէջ պահպանելու է ամենայն խաղաղութիւն, երբէք թոյլ տալու չէ կիրքերին յաղթելու, ոչինչ գործում չիշելու չէ ոստիկանութեան դիմելու սպառնալիքը: Մանաւանդ քահանաները զգոյշ և հեռու պիտի մնան ում հետեւիցէ դատ վարելուց: Մեզ տուած է միայն հոգևոր գործէք մարդիկները վերա ներգործելու, այն է Աստուածային խօսքի գորութիւնը: Թէև հոգևոր ազդեցութիւնը աւելի դժուար է, բայց համաձայն է կրօնին, որը սրտի և համոզման գործ է և աւելի յարմար է մեր հովուական արարատւորութիւններին: Սպառնալիքը և պատժելու երկիւղը դպրոցից ևս արտաքսվում են— ժողովրդի բարոյական դաստիարակութեան մէջ ևս նոյնը պիտի լինի: Քահանաները պիտի աշխատեն ազդեցութիւն ձեռք բերել ժողովրդի վերա իրանց միջոցներով, այսինքն հաւատի և համոզմունքի շերտութեամբ թափանցված խօսքի գորութեամբ: Քահանայի նպատակը պիտի լինի ամենքին և ամենայն հրաւիրել ի միութիւն, նընպաստելով բարոյապէս միացնելու բոլոր մարդկութիւնը, բոլոր ցեղերը և ազգերը և ստեղծելու երկրիս վերա մի աստուածային թագաւորութիւն: Քահանայի իշխանութիւնը ծագումէ այն յաւիտե-

նական Քաջանայապետի իշխանութենից, որը ինքնիրան զո՛ր բերեց մարդկային ազգի փրկութեան համար և մարմնացած սէր է: Քաջանան խաղաղութեան և սէրի Աստուծու պաշտօնեայ է... Հոգու և ճշմարտութեան կրօնի քարոզիչ է...: Այո՝ քրիստոնէական հովիւը չունի և չգիտէ ուրիշ գէնք բացի բարոյական հոգեւոր գէնքից. նա կարօղ է ներգործել միայն խօսքի համոզմամբ, նա պիտի ամեն բանին յաղթէ համբերութեամբ և ամեն բանին հասնէ սէրով: Եթէ նորան չէ համախրուծ ժողովուրդը, նորա ամեն ջանքերը դուր են. հոգիներ և սրտեր բռնութեամբ չէ կարելի գրաւել:

Եղբայրաբար համոզելով յորդորումեմ ձեզ անխափան ներկայ լինել եկեղեցում առաւօտեան և երեկոյեան ժամասացութեան, հայցելով Աստուածային օրհնութիւն անձներիդ և ժողովրդիդ: Գործակալներին պատուիրումեմ առանձին արձանագրել բացակայողներին կամ յապաղողներին: Այցելութեանս ժամին ես կիարդամ տարեկան նկատողութիւններ:

Քաջանայի անձնական կեանքը նոյնչափ, եթէ ոչ աւելի, ազդեցութիւն ունի ժողովրդի վերա, որչափ նորա խրատը և քարոզը: Մանաւանդ գիւղացիներն պէս պարզ բնավորութիւններն վերաօրինակը գրեթէ աւելի մեծ ազդեցութիւն ունի քան թէ խօսքը: Կոպիտ պոկասութիւններ հոգեւորականների մէջ, գոհութիւն Աստուծուն, շատ չեն պատահում: Սակայն կայ ուրիշ պակասութիւն. սառն անտարբեր վարմունք ժողովրդի հետ: Պիտի կամ մկրտվի, կամ պսակվի կամ մեռնի ոք մին,

որ քաջանան այցելէ ժողովրդի տունը, մինչդեռ նորա պաշտօնն է իւր ժողովուրդը դէպի Աւետարանի թագաւորութիւնն առաջնորդել: Նա անգաղար ամենքին դուռը պիտի ծեծէ, աղքատին օգնութիւն և մխիթարութիւն տալու, Հարուստից ողորմութիւն խնդրելու, Հարուստին և աղքատին առաքինութեան ճանապարհը սովորեցնելու: Քաջանան պիտի լինի միշտ պատրաստական և մեղմ: Սա չէ նշանակում թէ պէտքէ թոյլ լինի—մեղմութիւնը թուլութիւն պիտի չդառնայ, այլ թէ նոյնիսկ հովուական խստութեան և պաշանջօղութեան մէջ քաջանան պիտի սիրօղ և ներօղ լինի թէ խօսքով և թէ ներգործութեամբ:

Մեր ժողովրդի դրութեան և կեանքի առանձնական պայմանները, նոյնպէս առանձին հնարագիտութիւն են պաշանջում քաջանայի կողմից: Բաւական կ'ոպիտ և դեռ ևս հին կարգով ապրող ժողովրդականները սխալ համոզումն ունին իբր թէ քաջանան բոլորովին նոցա իշխանութեան ներքոյ է, որ իբր արժէ որ նոքա քաջանային իրանց մօտ չունենալու ցանկութիւն չալանեն և քաջանային անմիջապէս կ'հեռացնեն, մինչև անգամ առանց նորան քննութեան ենթարկելու և առանց նոցա դանդատը քննելու: Պէտք չէ վրդովվել և զայրանալ սորանով, և սլատերազմել ժողովրդի այս հայեացքի դէմ: Թոյլ տալու է, որ ժամանակը փոխէ նոցա այս հայեացքը: Քաջանաները կ'արօղ են բոլորովին համոզված լինել, որ առանց հիմնաւոր պատճառի ժողովրդականներն խնդիրը յարգվելու չէ: Ինչպէս միշտ և ամեն

գործում, քահանան վերջին դէպքում ևս պիտի ներգործէ ժողովրդի վերա բարոյական ազդեցութեամբ:

Միևնոյն անհասկացողութիւն, իրաւունքներն և պարտականութիւնների անճանաչողութիւն է պատճառ, քահանաներն և եկեղեցական երեսփոխաններն մէջ երբեմն ծագող խռովութիւններն: Ամենալաւ միջոցը խաղաղութեամբ ապրելու օրէնքն ճիշդ գործադրութիւն է և ճիշդ պարտաճանաչութիւն, մանաւանդ դրամական հաշիւներն միջոցում:

Աստուծու տան պայծառութիւնը քահանայի գլխաւոր հոգսերից մին պիտի լինի: Եկեղեցին և դաւիթը աւել ածելուն և մաքրելուն, եկեղեցում ամեն տեղ փոշի սրբելուն քահանան պարտաւորված է խստութեամբ հսկել:

Վերջացնումեմ խօսքս Առաքեալի խրատներով, որ գրած է նա իւր հովուական գրութիւններում. Յիսուսի պաշտօնեան պիտի հրաժարվի պառաւների առասպելներից, յիմար և անխրատ խնդիրներից, որոնցից ծագումեն կռիւներ, պիտի լինի ուսուցիչ և անոխակալ, նորա առաջադիմութիւնը յայտնի պիտի լինի ամենքին և զգոյշ լինի անձին և վարդապետութեանը (Ա. Տեմ. Դ., Բ. Տեմ. Բ.):

Ախալցխայի եւ Ախալքալաքի վիմակի առաջնորդական
փոխանորդ

Աբաղյիս. ԽՈՐԷՆ Ծ. ՎԱՐԴԱՊԵՏ ՍՏԵՓԱՆԷ

1884, նոյեմբեր 1.

ՈՒՍՈՒՑԻԶ.

Ուսուցչի պարտքն է ուսուցանել և դաստիարակել: Սա պարտքից աւելի է. սա մի առաքելութիւն է, մի պաշտօն է, որի վերա մօէրեկայի Միացեալ Նահանգները նախմէս, ինչպէս քահանայի կոչմանը: Արդարեւ արդեօք ազնիւ առաքելութիւն չէ՞ երեսայի մտաւոր և հոգեկան ամենագեղեցիկ կարօղութիւնները մշակելը, քաղաքացիներ, ընտանիքի հայրեր, մայրեր պատրաստելը, որը ընդունակ լինի հասարակութեանն իւր վերա դրած պարտքերը կատարել, եթէ կըրթութեան արուեստը, Հ. ժիւաբի կարծիքի համաձայն, պէտքէ բարձրանայ և հասնէ կամքի և մտածութեան միջոցով մայրական բնագոյման աստիճանին, ուրեմն ուսուցիչը ոչ միայն մի պաշտօնաւոր է, այլ մի առաքեալ, մի հայր, բազմութիւ ընտանիքի մի գլուխ է: Բայց մի այսպիսի ազնիւ և ծանր պարտք կատարելու համար, ինչպիսի չքնաղ յատկութիւններով պիտի պատրաստված լինի ուսուցիչը: Եթէ նա ցոյց չտայ անդադար արթնութիւն իւր դիրքին, խօսքերին, վարմունքին հսկելու, եթէ նա չաշխատի միշտ ինքն իրան ուսուցիչ լինելու, ինչ յուսաբեկութիւններին պիտի ենթարկվի: Միշտ հասարակութեան պէտք պիտի լինի նորա նշանաբանը, ապա թէ ոչ մանուկը անողորմելի կըլինի նորա վերաբերմամբ: «Երեսակաների միակ հոգսը, ասումէ լա Բրիւէէնը, թոյլ կողմը գտնելն է իրանց ուսուցիչներին կամ այն մարդիկներին, որոնց հպատակումեն: Երբ որ նոքա կարօղացան մի

անգամ իրանց պարտքի դէմ գործել, երես եւս առնում և իրանց հրամայողների վերա իրաւունք են ձեռք բերում, որը եւրէք չեն կորցնում»:

Եթէ ընդհակառակը ուսուցիչը կարողացաւ այդ իշխանութիւնը ձեռք բերել, իւր աշակերտները կլինին այն, ինչ որ պիտի լինէին ինքն ըստ ինքեան, որովհետեւ նոցա համար ուսուցիչը ոչ միայն օրինակ է նոցա աչքի առաջ, որին նոքա քննում են զանազան կողմերից, այլ նաև բոլոր գիտութիւնների ամփոփումն է և բոլոր առաքինութիւնների ժողովածուն: Այս առօրեայ և շարունակ ազդեցութեան շնորհով նա իւր ձեռներում ունի իբր փափուկ մի մոմ իւր կամքի համաձայն ձևակերպելու համար»: Եղէք աւելի լաւ, ասում էր Սայլէոը ուսուցիչներին, և երեսասարդութիւնը առաւել լաւ կլինի»: Այս իմաստուն պատուէրը ամեն դժգոյցի դրան վերա դրօշմված պիտի լինէր:

Թարգ. Փրանս. Կ. Մ.

ԲԱՐՈՅԱԽՕՍՈՒԹԻՒՆ ԿԱՄ ԲԱՐՈՅԱԳԻՏՈՒԹԻՒՆ

Ի՞նչ էակներ ունին պարտքեր եւ պատասխանատու են:

Բարոյախօսութիւն բառը կազմված է բարք, բարոյք և խօսել բառերից: Բարք կամ բարոյք նշանակում է մարդիկ, բնաւորութիւն, բնական սովորութիւններ: Բարոյականութեան աղբիւրն է նոյն Աւետարանը, որ ուսուսնասիրում ենք կրօնի դասերին: Բարոյական ճշմարտութիւններ ամփոփ կը կենել բարոյախօսութեան չափուկ դասերով երբէք աւելորդ չէ: Ամեն արարածներ չունին

պարտք և իրաւունք: Միայն մարդն է բարոյական անձն և պատասխանատու է, այսինքն պարտաւորված է վարվել կանոններին համաձայն և հաշիւ տալ թէ ինչէ այս կամ այն կերպով վարվեցաւ: Պատասխանատու լինելու համար մարդը պիտի ունենայ. 1) դատողութիւն կամ բանականութիւն լաւը վատից որոշելու համար, 2) գիտակցութիւն այն գործի, ինչ որ անում է, 3) մտածելու ընդունակութիւն ներգործելուց առաջ:

Պատասխանատուութիւնը աւելանում է, երբ գործողը աւելի լաւ է հասկանում ինչ որ անում է և ինչ որ սխալ անէ: Փոքր մանուկներին, խելագարներին, որոնք ոչ դատողութիւն, ոչ բանականութիւն ունին, նայելու է ամենայն ներօգտմտութեամբ: Արեւոգոյներն ընդհակառակն թէ՛ և չքիտեն ինչ որ անում են, արբած լինելով, արդարեւ արհամարհելու արժանի են. որովհետեւ նոքա կորցնում են բանականութիւնը իրանց յօժարութեամբ:

Առողջ միտք ունեցող ամենայն մարդ ունի լաւ և վատի դադափար: Մինչև անգամ Աֆրիկայի, Ամէրիկայի և Օվկիանոսական վայրենիները, որոնք ամենաթշուառ և ամենատգէտ մարդիկներ են, ճանաչում են պարտքեր: Նոքա շատ կոպիտ բարք ունին, նոքա գրեթէ միշտ միմեանց հետ պատերազմում են և մինչև անգամ ուտում են իրանց գերիներին, սակայն նոքա շատ յարգում են քաջութիւն, հաւատարմութիւն, տուած խօսքին հաստատ լինելը, նոքա արհամարում են վատթար և վախկոտ մարդիկներին և պատժում են դաւաճաններին: Նոքա շատ պիտի առաջ գնան մինչև որ կհաս-

կանան մարդկային բոլոր պարտքեր և իրաւունքներ, ինչպէս որ լուսաւորւած մարդիկ են հասկանում, բայց նոքա ևս իրանց հասկացողութեան համեմատ բարոյական կանոններ ունին:

Ի՛նչ է պարտքը, որի գաղափարը ունի ամենայն մարդ: — Պարտքը պատուէր է, հրաման է, ձայնի պէս մի բան, որ բարձր խօսումէ մեր մէջ և պահանջումէ, որ իրան լսեն: Պարտքը անպայման պատուիրան է: Պարտքը մեզ չէ ասում. եթէ դու կամեննումես բաղդաւոր լինել, մի աներ այս, եթէ դու կամեննումես հարուստ լինել, արա այս: Պարտքը ասումէ մեզ պարզապէս. այս մի աներ, այս արա: Օրինակ, խօսքիդ հաստատ եղիւր ամենայն հնարով, որովհետեւ այս լաւ է, դու պարտական ես այս անել: Սուտ մի խօսեր, մի զոդանար, մի բամբասներ, որքան վայելչութիւն և օգուտ ևս գտնես սորանում, որովհետեւ սա վատ է և բանականութիւնն արգելումէ:

Ուրեմն պարտքը բոլորովին ուրիշ բան է քան թէ վալելչութիւն, թէպէտ պարտքը կատարելու չափ վալելչութիւն չկայ, նոյնպէս բոլորովին ուրիշ բան է քան թէ օգուտը, թէպէտ աշխարհումս ոչինչ այնքան օգտաւէտ չէ, որքան ազնիւ մարդ լինել: Ազնիւ լինել նշանակումէ լսել միշտ բանականութեան, խղճի ձայն և կատարել այն, ինչ որ պարտական է մարդը առանց վալելչութիւն կամ շահաւէտութիւն աչքի առաջ ունենալու: Գրեթէ բոլոր սխալները, բոլոր յանցանքների պատճառները վալելչութեան սէր և շահաւէտութեան հաշիւներն են լինում: Մենք ևս ամեն

վայելչութիւններ ունեցողին չենք ասում բաղ-
դաւոր մարդ և իւր գործերն յաջողակ վարո-
ղին չենք ասում ազնիւ մարդ: Ազնիւ մարդը կա-
րօղ է լինել աղքատ, հիւանդ, տգէտ, անօգնական,
ամեն բանից զրկւած. այսուամենայնիւ նորան ենք
տալիս մեր ամենաջերմ յարգանքը և մեր գովեստ-
ները: Եթէ մենք իմանայինք, որ նա բարի է գոր-
ծում շահաւէտութեան նպատակով, նոյնժամայն
նորա բարի գործերը մեր աչքին բոլոր իրանց ար-
ժէքը կկորցնէին, բայց երբ հաստատ գիտենք, որ
նա ներգործում է ճշմարիտ բարութեամբ, առանց
հաշուի, պարտքի անկեղծ և խորին զգացմամբ,
մենք նորան խորին և անկեղծ կերպով յարգու-
մենք: Ամենքը խոնարհում են նորա առաջ:

Եւ որքան ներգործողը աւելի անձնանուիրաբար
է կատարում իւր պարտքը, այնքան աւելի վսեմ
և մեծ է լինում մեր յարգանքն առ նա:

Բարի գործելու և ամեն բանում պարտք կա-
տարելու սովորութիւնը ասվում է առաքինութիւն.
և որքան աւելի դժուար է գործը, այնքան աւելի
մեծ է արժանաւորութիւնը: Ընդհակառակն արատ
ասվում է վատ և պարտքի ընդդէմ վարվելու սո-
վորութիւնը:

Մի սխալ արատ չէ, բայց սխալն անդադար
կրկնվելով դառնում է արատ և նայելով արատ-
ների ծանրութեանը, մենք նայում ենք յանցաւորին
կասկածով, արհամարհանքով, զգուանքով, ատե-
լութեամբ, դարհուրանքով: Երբ պարտքի ընդդէմ
վարվող յանցաւոր մարդը անարգութեան այն
աստիճանին է հասնում, որ չունի ոչ խղճահարու-

Թիւն, ոչ ամօթ, ոչ արժանիք և նորա անկումն
անդարմանելի է երևում, այն ժամանակ մենք
դժուարանումենք նորան մարդ համարել: Թէպէտ
այն դէպքում ևս մենք նորան ներողամտաբար
պիտի նայենք, որովհետև մարդկային անձն է և
կարող է դեռ ևս ուղղվել:



Խոցված և դառնացած սրտով Մանկավար-
 ժանոցն ևս ողբաց և ողբումէ ամենապատիւ
 Կ. Պօլսոյ Պատրիարք Ներսէսի մահէն: Մանկա-
 վարժանոցիս խմբագիրը, որը Ներսէսի յիշատակը
 պաշտօններէց է, Ախալցխայում և Ախալքա-
 լաքում վայելչապէս կատարեց Հանդուցեալ
 Ներսէսի Հոգեհանգիստը: Անմուսանալի Գէորգ
 Կաթողիկոսի մահէց յետոյ, մահացաւ Ներսէս
 Պատրիարքը: Մըխիթար վինք նորանով որ
 երկրիս վերա չկարօղանալով կատարած
 տեսնել իւր փափագներ մեր թիւրքիարեակ
 թշուառ Հայերի վերաբերմամբ, ցանկալի
 Ներսէսը շտապեց երկնային Թագաւորին
 մատուցանել իւր աղերսանքը և աղաչանքը
 իւր սիրած ազգի Համար: Կեանքի ամե-
 նապնիւ ծաղիկներով թող դարդարվի աշու-
 Հետեւ Քո գերեզմանը, Ներսէս:

Ամէրիկայի Միացեալ Նահանգներում աղգային լուսաւորութեան գործակալի հաշուից երևումէ, որ անցեալ 1883-ի բոլոր դպրոցական հասակ ունեցող մանուկների թիւը եղել է 16 միլիօն, որոնցից 10 միլիօն զանազան դպրոցներում աշակերտելու նշանակված էին: Իսկ ամեն օր դպրոց յաճախող մանուկների թիւը 6 միլիօն էր, որոնք սովորումէն 293,000 ուսուցիչների ղեկավարութեամբ, և սոցա մեծ մասը կանայք են: Դպրոցական այս վիթխարի կազմակերպութիւնը արժեց միայն անցեալ տարին 91 միլիօն դօլար (դօլ. 1 ման. 32 կօպ): Բոլոր նահանգներում ձգտումէն ուսուցչուհիներին թիւը աւելացնել, որովհետև կանայք տղամարդիկներից աւելի ընդունակ են երևում մանուկների կրթութեան համար. 18 նահանգում աւելացրել են երկսեռ ուսուցիչների ռոճիկը, 1 նահագում աւելացրել են միայն ուսուցիչներին ռոճիկը, 4 նահանգում միայն ուսուցչուհիներին ռոճիկը:

Նէգրներին 834,000 մանուկներ յաճախումէին դպրոցներ: Սոցանից 8000 նէգր աշակերտներ սովորումէին մանկավարժանոցներում, 6600—ճեմարաններում, 2300—կօլլէժներում (սկզբ. և քաղաք. դպրոցներում) և 800 նէգրներ սովորումէին աստուածաբանութիւն և բժշկականութիւն:

Ծաղկոցների թիւը 348 էր 17000 մանուկներով: Բարձրագոյն միջնակարգ դպրոցներում սովորումէն կէս միլիօն պատանիներ, որոնցից 300,000 սովորումէն ճեմարաններում, հասարակական բարձր դպրոցներում և առևտրական դպրոցներում, 50,000 պատանիներ սովորումէն մանկավարժանոցներում,

Ժամանակով ուսուցիչներ դառնալու, 93,000-ը կօլլէժներում: 16,000 նշանակված են գիտնական դասընթացներ լսելու և 23,000 ուսանողներ լսումեն աստուածաբանութեան, բժշկականութեան և օրէնսգիտութեան դասընթացներ:

Ազգային լուսաւորութեան գործակալը կուսակից է տղաների և օրիորդների Համախումբ ուսմանը: Նա ասումէ, որ բոլոր այն դպրոցների նախագահները, որտեղ Համախումբ ուսում է աւանդվում, չափազանց գովումեն այս սիստէմի Հետեւանքներ: 40,000 աշակերտօղ օրիորդների կէսը տղաների Հետ միասին են սովորում բարձրագոյն կօլլէժներում և նոցա բարերարօրութիւնը օրինակելի է:

Մարմնամարզութիւնն աւանդվումէ ամեն տեղ և Հիանալի Հետեւանքներ ունի ոչ միայն աշակերտների առողջութեան, այլև նոցա ուսումնական պարապմունքի վերաբերմամբ:

Այժմ Նէապօլում ապրօղ Փրանսացի տիկին Մէրիիօֆ քաղաքում տիրապետօղ աղքատութեան դէմ մաքառելու Համար յայտարարել է տեղական լրագիրներում թէ ամեն մի տղային, որը լուանումէ երեսը և սանտրումէ մագերը, օրը 5 սանտրմ (2½ կօպ.) կնուիրէ, իսկ ամեն օրիորդին 10 սանտրմ (5 կօպ.): Եւ ամեն օր Ժողովվումեն նորա տան առաջ լուացված և սանտրած տղաներ և տղջիկներ խոստացած նուէրը ստանալու Համար:

Ռուսիայի երկաթուղիների տարածութիւնը

20,744 վերստ է, Ամէրիկայի Միացեալ Նահանգներում 150,000 վերստ:

Փրանսացի Ղիւպանլու եպիսկոպոսը, որ տաղանդաւոր բեմբասաց էր և նշանաւոր մանկավարժ, ասումէ. Առանց կարգի և եղանակի աշխատելը ժամանակ կորցնել է, ոչինչ անել է նշանակում: Անպիտան կարգով աշխատելը առաւել վնասակար է, վատ գործել է նշանակում: Երբ մի կարգ կամ եղանակ չաւ չէ, որքան աւելի կհետեւեն, այնքան աւելի կմոլորվին:

Փիլիսոփայութիւնը մանուկներին յարմար չէ. ամենալաւ սկզբնական գիրքը ուսուցչի ձայն է, որը փոփոխումէ դասերը և դաստանդութեան եղանակը, նայելով նոցա կարեւրներին, որոնց հետ խօսումէ:

Առաջարկւումէ հայկական դպրոցների կառավարիչներին հետեւեալ կարևոր դիտողութիւնը: Դպրոցում կարող է հրդեհ պատահել, կամ մի սլաքանդակ կամ այնպիսի անակնկալ դէպք, երբ աշակերտները պիտի շտապեն դուրս գալ դպրոցից: Եթէ այս դէպքում աշակերտներ կշփոթվին և կխառնվին, կարող են վտանգին հանդիպել: Սորա համար կարևոր է դպրոցի աշակերտներին վարժեցնել շաբաթ մի անգամ, ինչպէս լինումէ ամէրիկական դպրոցներում, հրդեհի աղաղակ բարձրացնելով, անմիջապէս և արագութեամբ և առանց շփոթվելու դատարկել սպառնացած շինու-

Թիւեր: Բաւական է, որ այսպիսի վարժութիւնները միանգամ եւեթ գործադրութիւն ստանան, նոցա խիստ օգտաւէտութիւնը գնահատելու համար: Քանի մի օր առաջ Ամէրիկայում Ինդիանա նահանգի Տէրհօտի դպրոցում, № 4, վերին յարկում կրակ երևեցաւ: Կրակը առաջինն տեսնումէ 12 ամեայ տղան, որը վաղուց նախապատրաստված լինելով այս տեսակ դէպքի համար իւր ուսուցիչների յաճախակի հրահանգներով, մի րոպէ ևս խելք չկորցրեց: Նա գնաց, պարզօրէն պատմեց գործը ուսուցիչին, առանց որևէ երկիւղի աղաղակներ բարձրացնելու, որոնք կարող էին սարսափ ձգել և վտանգ հասցնել գանազան դասարաններում գտնվող 500 աշակերտներին: Նոյն անվրդով կերպով ուսուցիչը բօթային վարժութեան սովորական նշան տուեց, և աշակերտները ամենամեծ կարգով և քանի մի վայրկեանում դատարկեցին դպրոցը, որը վտանգի մէջ էր արդէն. մի քառորդ ժամից յետոյ, դպրոցը բոլորովին կրակի ճարակ դարձաւ և հրդեհաշէջները դեռևս չէին հասել, որ դպրոցի տանիքը քանդվեցաւ և ծածկեց աշակերտական նստարանները: Դպրոցին հասաւ 5000 դօլար (դօլ. 1 մ. 32 կ.) վնաս, բայց աշակերտները մնացին ողջ և առողջ:

Անդրեական Հնդկաստանում ժողովրդական լուսաւորութիւնը մեծ քայլերով առաջ է գնացել: Այս խնդիրը քննելու նոր կարգած յանձնաժողովի ղեկուցմամբ, 1882 թուին տեղական դպրոցների թիւը 25,150 էր, իսկ աշակերտներին 354,655:

Տէրութեան, Հասարակութիւններէ, քաղաքային վարչութիւններէ Հաշուով, նպաստներ ստացող դըպրոցները թուով 82,916 էին 2,062,271 աշակերտներով: Աղքեական դպրոցներէ ուսուցիչներէ թիւը 66,552 էր, սոցանից 12,243 վկայական ունէին: 106 մանկավարժանոցներ (ուսուցչական դպրոցներ) կան, որտեղ սովորում են 3,886 ուսուցչացուներ, սոցանից 1593 երիտասարդներ 1882 թ. վկայականով աւարտեցին իրանց մակավարժական ուսումն և անմիջապէս ուսուցիչներ կարգվեցան:

Փոքրիկ Վարդ քաղաքում, Իւտլանդիայի արեւմտեան ափին, ապրում է 15 ամեայ տղան, որ գերօրինակ ընդունակութիւններ ունի թուաբանութեան համար: Նա լուծում է քանի մի վայրկեանում բազմապատկման ամենադժուար խնդիրներ և մի ակնթարթում նա բազմապատկեց օրինակ $39\frac{3}{4}$ -ը $789\frac{1}{45}$ է վերա: Տղայի անունն է Նիլսօն Բէրտէլսէն: Նա տեղական նաւավարի որդի է:

Ասում են թէ Անգլիայում փաստաբանութիւնը ամեն բանին հասցնում է: Ֆրանսիայում օրագրապետութիւնը ամեն երևելի պաշտօնների ասպարէզ է բանում: Ամէրիկայի Միացեալ-Նահանգներում ընդհակառակն կարծես ուսուցչական համեստ կոչումն է պատիւների և բարձրագոյն դերքերի իսկական ճանապարհ: Ներկայումս պ. Բլէնը Հասարակապետական ընտրելին է նախագահութիւն ուսուցիչ էր քանի մի միջոց խուլ-համբերի դըպ-

րոցում: Պ. Կլէվէլէն ժողովրդապետական ընտրե-
լին ուսուցիչ է եղած կոյրերի մի դպրոցում: Հան-
գուցեալ նախագահ Գարֆիլդը քանի մի տարի
Հասարակ դպրոցի ուսուցիչ էր: Նորա նախորդ-
ներից շատերը միևնոյն պաշտօն են ունեցած:
Առանց չափազանցութեան կարելի է ասել, որ
Ամէրիկայի Հասարակական Հռչակված մարդիկ-
ների կէսը սկսել են իրանց գործունէութեան աս-
պարէզը ուսուցչութեամբ: Ուսուցիչներն այնքան
մեծ նշանակութիւն ունին Ամէրիկայում, որ ուսուց-
չական ժողովներն այնտեղ մեծ նշանաւոր եղե-
լութիւն են համարվում: Մանկավարժների ժո-
ղովներին նոյնչափ ուշադրութեամբ և հետա-
քըքրութեամբ են նայում, ինչպէս դեսպանների
և քաղաքագէտների ժողովներին Նիքոպայում:
Երկաթուղիները նշանակումեն յատուկ գնացքեր
և շրջագայող ճանապարհորդութիւններ թէ գի-
ջեալ գներով և թէ հրապուրիչ տեսարաններով:

Շնորհակալութեամբ ստացանք Նոր-Նախիջևանի
Թեմական դպրանոցի տեսուչ մեծ. պ. Չարիխեանից
նոյն դպրանոցի հոգաբարձութեան հաշիւ 1883—84
դպրոցական տարվան համար: Դպրանոցի աշա-
կերտների թիւը եղել է 216, սոցանից նոյն թուին
արձակիլել են դպրանոցից իրանց կամքով 25,
վարչութեան որոշմամբ 18, բոլոր 43 աշակերտ
(բարեկարգ դպրոցի համար վերջինը մեծ թիւ է):

Այս աշակերտները գետեղված են 8 դասարան-
ներում, որոնցից 3 հիմնական են մի գուգընթա-
ցով, և 3 նախակրթարան մի գուգընթացով: Իրա-

ըանոցն ունի 14 ուսուցիչներ և դաստիարակներ, որոնցից 9 Հայազն են և 5 ռուսացն:

Իսլամոսի տարեկան մուտք եղել է. Թէոդոսիայի Խալիպ. դպրոցի վարձ 3000 ման., նախընթաց տարիներեց աւելացած—8616 ման., տոկոսներ—562 ման. 52 կ., 158 վճարող աշակերտներ ընդ—5019 ման. 65 կու., Խալիպեան դպրոցի մնացած գումարեց—4080 ման., քաղաքային վարչութենեց տարեկան նպաստ—6,875 ման. 37 կու., բոլոր թեմի եկեղեցիներից տարեկան նպաստ—3440 ման., նուէրներ 735 ման.=32,328 ման. 57 կու.:

Տարեկան ծախք եղել է. տեսչին ռոճիկ իւր 19 դասերով—3120 ման, բոլոր ուսուցիչներին—10,185 ման., 3 դաստիարակներին—1200 ման., 3 ծառաներին և պաշտպանին—444 ման. 50 կու., տընտեսական ծախք—825 ման. 68 կու., աշակերտական գրասեղաններ—595 ման. 50 կու., դպրանոցի մէջ նորոգութիւն—519 ման. 45 կու., գործաւար և հոգարարձական խորհրդարան—544 ման. 42 կու., պիտոյք—467 ման. 90 կ., մատենադարանապետ—150 ման.=18,051 ման. 62 կ.: Տարվան մէջ աւելացած է—14,276 ման. 95 կու.:

Շնորհակալութեամբ ստացանք պ. Շահբուղաշեանից իւր թարգմանած Անդէրսէնի Անդամալոյծ մանկական վէպիկը: Ցանկալի կլինէր, որ պ. Շահբուղաշեանը, որ աշխատասիրութեամբ թարգմանութիւններ է անում, հայկական լեզուի մաքրութեանն աւելի ուշք դարձնէր. տնտղեցին, խօհէնց, պատրիկ և ուրիշ այսպիսի բառերը աւելորդ

է գործածել, երբ ցանկալի է որ մանուկները սո-
ցա տեղ գործածել իմանան քննեցին կամ գննե-
ցին, չէ որ կամ ոչ ապաքէն, նոյնիսկ, փոքրիկ
բառերը: Գրքոյկի գէնը 15 կօպ. է, Թիֆլիսում,
Ներսիսեան Ազգային-Հոգևոր դպրանոցում:

Հաստատ աղբիւրից ցնծութեամբ սրտի լսեցինք,
որ Համակրելի Մշակը անշուշտ կհրատարակվի
յունվարից:

Անցեալ անգամ 7 և 8—N-ներէ «Թշուառ աղ-
ջիկ» ոտանաւորը մոռացմամբ ում որ չէր ուղարկ-
վել, այժմ ենք ուղարկում:

ԽՄԲԱԳՐՈՒԹԵԱՆ ՊԱՏԱՍԽԱՆՆԵՐ:

ՂԱԼԱՐ. Հոգար. Ա. Կ. Ստացանք Մանկավարժա-
նոցին ուղարկած 3 ման. Ծնորհակալութիւն ձեր
բարեմտութութիւնների համար: Այդ Մանկավարժա-
նոցին քաջաւերութիւն է:

Պէտէրբուրգ. Յով. Յով. Խորին շնորհակա-
լութեամբ ստացանք գիրքը: Մանկավարժանոցը ու-
ղարկվեցաւ: Առաջին տետրներ չկան: Հրաւիրու-
մենք դպրոցասէր ուսանողներին աշխատակցել
մանկավարժական յօդուածներով:

Թիֆլիս. Հ. Ո. Յայտնումենք ձեզ խորին շը-
նորհակալութիւն ձեր համակրութեան համար առ-
մեր գործունէութիւնը: Հաւատացէք անկեղծ խօս-
քիս, որ մեր աչքին մեր գործունէութիւնը աննը-
շան է երևում միշտ, թէև հաճումէք մեզ անըս-

պառ եռանդ և անշէջ կրակ անուանել, ինչպէս
և մի ուրիշ բարեսիրտ բարեկամ Սիաւքաւաքից
Հաճել էր մեզ հօր և կեանք անուանել: Միայն
ուխտած ենք աշխատել անդադար յօգուտ Հայկա-
կան եկեղեցու և դպրոցի քանի որ Տէրը կ'հաճի
մեզ օր տալ: Ս. Էջմիածնի Ճեմարանի մասին
Մանկավարժանոցս ոչինչ չէ կարօղ ասել, տեղե-
կութիւններ չունինք: Իրաւունք ունիք այդպէս աս-
ելու, բայց մեղաւորը Էջմիածնում ներգործօղ
Հայրեր չեն, այլ մենք ենք, կամ աւելի լաւ ասեմ
Հանգամանքներն են. այնտեղ ներգործօղ
Հայրերը բարեհաճեցին առաջարկել մեզ ճեմա-
րանի մանկավարժութեան և պատմութեան դա-
սատու լինել, բայց մենք անհնարին համարեցինք
այս միջոցում ճեմարանում պաշտօն յանձն առնել:

Վ. ան. Տ. Փ. Շատ ուրախ և շնորհակալ կ'լինի
Մանկավարժանոցը, եթէ բարեհաճիք գոնէ երկու ամիս
մի անգամ գրել ձեր քաղաքի և նահանգի դպ-
րոցներն և առհասարակ կրթական գործի գրու-
թիւնը:

Կ. Պօլիս. Ս. Է. Ամենայն հետաքրքրութեամբ
սպասումներ ձեր նամակը Կ. Պօլսի դպրոցներն
մասին: Գրեցէք նորոգ հաստատելի ներսէսնան
կեդրօնական վարժարանի հանգամանքները: Ձեզ
Մանկավարժանոցը ուղարկվում է Պատրիարքարան:

Խմբագրող-հրատարակող ԽՈՐԻՆ Ծ. ՎԱՐԴ. ՍՏԵՓԱՆԷ:

Дозволено ценз. Тифлисъ, 20 Декабря 1884 г.
Типографія И. Мартirosiана, Орб. ул. д. № 1 и 2.

Մ Ե Ղ Ո Ւ Հ Ա Յ Ա Ս Տ Ա Ն Ի

Քաղաքական, բանաորական և ազգային լրագրեր առաջիկայ 1885 թվականին կըհրատարակուի նոյն գերբով և ծրագրով: Տարեկան գինը 10 ռ., կեսամսայ 5 ռ., Հասցէն. Тифлисъ Ред. „Меру Айкастани“.

Խմբ. Պ. Սիմէօնեան,

Ն Ո Ր - Դ Ա Ր

Քաղաքական-գրականական ամենօրեայ թերթը առաջիկայ 1885 թվականին կըհրատարակվի նոյն գերբով և ծրագրով: Տարեկան գինն է 10 ռ., վեց ամսուան 6 ռ., Հասցով 5 կոպ. Հասցէն. Тифлисъ Ред. „Норъ-Даръ“.

Խմբ.-Հրատ. Սպանդար Սպանդարեան:

Ա Ր Ա Ր Ա Տ

Գրականական, պատմական, բանաորական և ազգային ամսագիր. տարեկան գինը Ռուսիայում 4 ռ.: Հասցէն. Св. Эмилъдинъ. Типогр. Комитетъ Свѣтлансканъ ծրագրով:

ԵՐԵՒԱՆԵԱՆ ՅԱՅՏԱՐԱՐՈՒԹԻՒՆՆԵՐ

Հրատարակվում է շաբաթը երեք անգամ: Տարեկան գինն է Երևանում 1 ռ.: Հասցէն. Эривань. Тип. Теръ-Григоранъ.

Խմբ.-Հրատ. Էմ. Տէր-Գրիգորեան:

ԱՌՈՂՁԱՊԱՀԱՅԱՆ ԹԵՐԹԻ

ԽՐԱՅԿՐՈՒԹԻՒՆԸ ԸՆԴՈՒՆՈՒՄ Է ԲԱԺԱՆՈՐԳԱԳՐՈՒԹԻՒՆ 1885 ԹՈՒԻ ՀԱՄԱՐ (ՈՐ Է 4 ՏԱՐԵՇՐՁԱՆ)

Առողջապահական թերթը հրատարակվում է Երևանում, նախընթաց տարիներէ ծրագրով. ապագրվում է ա. Էմիլն Տէր-Գրիգորեանի ապարանում:

Տարեկան գինն է 3 մնթ. Խմբիչ Վառլէի:

Ստորագրվել կարելի է Խմբագրատանը Օտար քաղաքացիներ գէմումն Հետեւալ Հասցէով. Въ г. Эривань. Въ редакцію журнала „Гигиенический листокъ“.

Խմբագիր-Հրատարակիչ Բժ. Վահ Տիգրանեան:

1885 թ. ՄԱՆԿԱՎԱՐԺԱՆՈՑ ամսագիրը կհրատարակվի գլխավորապէս մանկավարժական ուղղութեամբ: Իւրաքանչիւր տետրը երկու թերթից է: Յուլիս և օգոստոս ամիսներում չի հրատարակվի:

ՄԱՆԿԱՎԱՐԺԱՆՈՑԻ տարեկան գինն է 3 մանէթ: Ստորագրւողները յատկապէս պիտի գրեն այս հասցէով. Ахалцихъ. Редакція Манкаваржаноцъ.

Մենք շատ հրաւրեցինք հայ ուսուցիչներին ՄԱՆԿԱՎԱՐԺԱՆՈՑԻՆ աջակցելու, բայց դեռ թէ ոչ ոք չսեց մեր հրաւերը: Ուրեմն եթէ եւոյ տարի նոյն 50 բաժանորդ կունենանք, թող հայ ուսուցիչներին իրանց խղճի խալթը չարչարէ թէ չեն կամենում ամենեւին իրանց գլխավոր պարտքերից մին հասկանալ և կատարել և թէ մի անձնանուէր գործօնը տւելի կարողանում է կատարել քան թէ բազմաթիւ հայ ուսուցիչներն: Սա մեզ համար անտանելի ցաւ և վիշտ է, բայց ճշմարտութիւն է:

Խմբագրող-հրատարակող ԽՈՐԷՆ Ծ. ՎԱՐԴ. ՍՏԵՓԱՆԷ:

Համակերպողական Պրոգրամներ (առաջին փորձ) աշակերտական կանոններով և դաստիարակների հրահանգներով հայկական հոգեւոր ծխական և միջնակարգ դպրոցների համար, վաճառվում են Խիֆլիսում Կենդրոնական գրավաճառանոցում (Центральный Книжный магазинъ) և Զաք. Գրեգորեանի Կովկասեան Գրավաճառանոցում (Кавказская Книжная торговля З. Грикурова): Գրքոյի գինն է 50 և: Մանկավարժանոցի բաժանորդները ստանում են պրոգրամները գրքոյին ամսագրի յունվարի և փետրվարի տետրերի փոխարէն:

Մեզ խնդրում են ծանուցանել հետեւեալը. «Արքերմանի հայկական հոգեւոր դպրոցի ուսուցիչ Թ. Պաշեանը կազմում է Թուրքանուէթեան ձեռնարկ ծխական և միջնակարգ դպրոցներն ուսուցիչներին համար, փոխադրութեամբ, Եփսուշէվսիու մեռողով և շուտով պատրաստ կլինի տպագրութեան համար»: